

本經序疏要

本經序疏要卷之六目錄

踠折五十四

瘀血五十五

火灼五十六

癰疽五十七

惡瘡五十八

漆瘡五十九

癰瘤六十

癰瘡六十一

五痔六十二

脫肛六十三

蠚六十四

虻蟲六十五

寸白六十六

本經序疏要卷之六

武進鄒澍學

踠折

生鼠微溫。牡鼠療踠折續筋骨擣敷之。

生龜平。身腫踠折。

食療

生地黃大寒。主墮墜踠折瘀血留血。

烏雄雞血平。主踠折骨痛。

烏骨雞平。

李核仁平。主僵仆躄瘀血骨痛。

蜀本自然銅平。療折傷散血止痛。

木鼈子溫。主折傷散結腫。

骨碎補溫。補傷折

無名異平。主金瘡折傷內損止痛生肌肉

藥對續斷微溫臣。主金瘡癰傷折跌續筋骨金瘡血內

漏止痛

踈說文玉篇皆云足跌也踈折後人或謂之被打

金千

或謂之腕傷

病源

或謂之傷折

聖濟

或謂之跌仆損傷

今人

其意皆無踈折二字之周蓋爲人所侮不過力不相

及在傷者本無病也而有氣憤之兼暴折之歎若但

蹉跌則或以眩暈或以驚觸或以下弱或以失足或

從車覆或從騎蹶或因道滑或因巉巖當時之情景

不同則受傷之淺深自別而氣血之違從遂殊曰足

跌而致折則人之相加已之失誤并宿疾之發動無不由之矣故謂之周然其閒派別猶有頭破腦出折骨傷筋壓挫墜墮內損中風發瘕發腫諸異除此之外則無不有瘀而瘀又有新者久者皆按篇中可循條理而得其緒夫在血曰瘀曰內漏曰止曰散可想見其傷折後血之情形在跌曰墮墜曰僵仆躋可想見致傷折之景狀在痛曰骨曰腕曰腫曰折可想見受傷折之部位而所列之物徧選其跌而不傷者鼠開而能闔者龜折而可聯者雞外雖斷而中仍連者地黃擊之可碎鎔之可合者自然銅紫爛於外青白其中者李皆使元氣不隨傷而傷不因折而折耳至因

是而幻成他候則仍有本類可稽取治則於彼焉

瘀血

蒲黃平。消瘀血

琥珀平。消瘀血通五淋

羚羊角寒微寒。去惡血注下

牛膝平。逐血氣傷熱婦人月水不通血結。逐惡血

畱結藥性論

大黃寒大寒。主下瘀血血閉寒熱

乾地黃寒。逐血痺破惡血通血脈

朴消寒大寒。破畱血閉絕

紫參寒微寒。療腸中聚血。散瘀血主心腹堅脹藥性

論

桃仁平。主瘀血血閉瘕邪氣

虎杖微溫。破留血癥結

茅根寒。除瘀血血閉寒熱

廬蟲寒。破瘀下血閉

蠱蟲微寒。木蟲主瘀血血閉蜚蟲主賊血在胃腹

水蛭平微寒。逐惡血瘀血月閉破血瘕積聚

蜚蠊寒。主瘀血通利血脈

蜀本天南星。利胃膈散血

藥對鮑魚溫主蹉跌。除瘀血痹在四支不散

飴糖微溫去血病臣。止渴去血

神屋平主血。敗龜治血麻痺。

庵闍子微寒主藏血。身中有毒。臣。主五藏瘀血。心

下堅。

芍藥微寒主逐賊血。除血痺通順血脈。緩中散惡
血逐賊血。

鹿茸溫主血流在腹。臣。

車前子寒主瘀血痛。葉及根主瘀血。血癢下血。

牡丹微寒主除留血。使。主癥堅瘀血。留舍腸胃。

射干微溫主除留血。老血使。療老血在心脾間。欬。

唾言語氣臭。

藕汁寒主消血。破產後血悶。

天名精地菰是也寒。主瘀血血瘕欲死

玩篇中端緒甚繁第一先剖其瘀之情狀則濡遲有

待日留

篇中凡朴消牡丹射干皆治留血

壅塞不通曰閉

大黃茅根廣虫蠱虫

桃仁皆治血閉

積久而朽曰老

射干主老血

捩困垢穢曰惡

鈴羊角牛

膝乾地黃水蛭皆治惡血

敗類害良曰賊

蠱虫芍藥皆主賊血

其次當究其

瘀之部分則在內曰腸中

紫參療腸中聚血

曰腹中

鹿茸主血流在

腹曰胃腹

蜚蠊除賊血在胃腹

曰心脾

射干主老血在心脾間

曰心腹

紫參

散瘀血主

曰胃膈

天南星利胃膈散血

在外曰血

乾地黃主通血

蠱主利血蠱芍藥主通順血

曰四肢

鮑魚主血在四肢

其次當審其瘀之

為病則曰寒熱

大黃茅根皆主血閉寒熱

曰淋

琥珀主消瘀通五淋

曰注下

鈴羊角主惡血注下

曰渴

飴糖主止渴去血

曰麻痺

敗龜主血麻痺

曰癥瘕

桃仁

本經序疏要

卷六

四

主血閉瘀邪氣虎杖主留血瘀結水蛭主血瘀積聚
車前根葉主血瘀下血牡丹主癥堅瘀血留舍腸胃
天名精主日月水不通牛膝主月水不通血曰踈跌
血癥欲死曰月水不通結水蛭主瘀血月閉曰踈跌
鮑魚主條分件析皆可循緒以通特已後經方治是
踈跌

均附載他門不別標統領遂使內有瘀血無以悉其
外見情形是蓋當細覈焉夫仲景書雖云不無疏漏
要其徹源徹委處未嘗不綱舉目張何爲源病因是
也何爲委病處是也病形則有內外之殊內因者所

謂食傷憂傷飲傷房室傷飢傷勞傷經絡榮衛傷外

因者瘀或比於風

桃仁承氣湯證

或比於熱

抵當湯凡證

或比於

水

大黃甘遂湯證

皆所經見於書者也病處則有上下之別

在上者爲肌膚甲錯兩目黯黑

大黃廬蟲凡證

爲其人欬口

乾喘滿咽燥不渴多唾濁沫時時振寒熱之所過血

爲凝滯畜結癰膿唾如米粥

肺癰證

在下者爲著臍下

腹痛

下瘀血湯證

在少腹不去

溫經湯證

少腹滿如敦狀小便

微難而不渴

大黃甘遂湯證

經水閉不利藏堅癖不止下白

物

磐石凡證

亦所經見於書者也但其所陳不若此篇之

備然據所謂如狂喜忘少腹滿而小便自利衄微而

沉衄沉結屎雖硬大便反易其色黑無表裏證而發

熱衄浮數雖下之衄數不解消穀善飢其景其情在

內在外固已略備其概矣而其最有致者曰病人胃

滿唇痿舌青口燥但欲嗽水不欲嚥無寒熱衄微大

來遲腹不滿其人言我滿爲有瘀血曰病者如有熱

狀煩滿口燥而渴其脈反無熱此爲陰伏是瘀血也
曰婦人年五十所病下利數十日不止暮卽發熱少
腹裏急腹滿手掌煩熱唇口乾燥此曾經半產瘀血
少腹不去統而言之已見熱標而無熱證脈無熱象
者瘀也也有所阻則應有所不通有所阻而氣化仍通
者瘀也竝無所阻而自謂若有所阻者瘀也有燥象
而不渴不應渴而反渴者瘀也蓋氣以化而行血以
行而化氣已行而結者猶結則非氣病況血應濡而
不濡實未枯而似枯是非有瘀何由得此哉故曰仲
景書雖似疏然得爲是編之綱是編雖密僅能爲仲
景書之目者此也

火灼

柏白皮微寒。主火灼爛瘡。

生胡麻平。潤五藏。主火灼瘡。食療

鹽寒。

豆醬寒。湯火燒灼未成瘡。用汁點之。

井底泥寒。治湯火燒瘡用之。

醋溫。

黃芩平。大寒。下血閉。惡瘡疽。熱火瘍。

牛膝平。主傷熱火爛。

梔子寒。大寒。

集驗云。凡被火燒者。初慎勿用冷水冷物。并井下泥。

火創得冷卽熱氣更深轉入至骨爛壞人筋攣縮者
良由此也病源千金亦云然聖濟總錄亦深禁冷物
淋搨又云水火之氣當因其勢而利導之湯火誤傷
毒方熾通導而洩其氣可也本非氣血所生病故治
不及於湯液特在乎塗敷膏浴治其外而已乃本篇
直列井底泥於中何哉夫別錄固謂爲湯火燒創用
之矣覈之以豆醬下之未成瘡用汁點之之語則固
用於後而非用於初者也大抵齊梁及唐皆尊信是
編而是編者又祇列其物而不下其物注腳則恐後
人宗之者漫拈以取快一時不計後日深害耳其實
有何不可用哉然據此已足見已成瘡未成瘡宜分

兩途治矣再攷千金外臺凡治此者多以膏油調敷
幾乎無方不然而本篇所載僅止九物醞釀蒸暴而
而成者鹽醬及醋已得其三卽井底泥之柔冷難燥
柏皮胡麻之多脂又得其三其餘則牛膝以過其上
游梔子以醒其變色黃芩以界其腐潰耳而居其前
者果何爲者耶夫蒸蠹不至臭敗暴炙不爲消泯反
能成淨潔之質芳香之氣以助人元氣者何不可救
人被蒸蠹暴炙之害且能耐蒸蠹暴炙者惟滋膏潤
澤耶是二端者一以其受成艱苦化患害於方殷一
以其秉賦豐腴拒侵軼之盛熾曾謂無故也哉而千
金外臺意卽可於是徵之矣

癰疽

絡石溫。主風熱死肌癰傷口乾舌焦癰腫不消

黃芪微溫。主癰疽久敗瘡排膿止痛

白斂平微寒。主癰腫疽瘡散結氣止痛除熱

烏喙微溫。主癰腫膿結

通草平。散癰腫諸結不消

敗醬平微寒。主癰腫浮腫結熱

白芨平微寒。主癰腫惡瘡敗傷陰死肌

大黃寒大寒。傳一切瘡癰癰毒

日華

半夏平生微寒熱溫。消癰腫

元蔞微寒。散頸下核癰腫

薺蘼微寒。主癰腫惡瘡敗瘡熱氣陰蝕不瘳。

鹿角溫微溫。主惡瘡癰腫逐邪惡氣留血在陰中。

蝦蟇寒。主癰腫陰瘡。

王蜂子平。主癰腫噎痛。

伏龍肝微溫。與醋調塗癰腫。

甘蕉根大寒。主癰腫結熱。

藥礪石火燒於苦酒中淬破醋和帖之即消。○北史方技馬嗣明

傳○練石法以麤黃色石加鷲鴨卵大猛火燒令赤內醇醋中自有石屑落醋裏頻燒至石盡取石屑曝乾搗下筵和醋以塗腫上無不愈

烏賊魚骨微溫臣。主陰蝕腫痛。

鹿茸溫臣。散癰腫骨中熱疽痒。

升麻微寒帖諸毒君。療癰腫水煎綿洗拭瘡上
赤小豆平主帖腫易消臣。排癰腫膿血

側子大熱主癰腫

曹青巖曰癰疽雖寒熱邪氣所爲實因氣血壅瘀而
致故內無壅則邪氣侵襲僅生疾病內有瘀則邪氣
依附遂發癰疽病源曰六府主表氣行經絡而浮不
和則邪氣乘而爲疽是癰邪淺而輕疽邪深而重然
靈樞癰疽篇有名癰而深重名疽而淺輕者是癰疽
之名不必泥淺深之致亟當辨也蓋邪結輕淺雖血
肉腐壞寫膿可瘳邪結深重則經脈敗漏傷藏以死
治外實者開之治內虛者托之血瘀則通氣壅則宣

所謂因其輕而揚之因其重而減之責虛取實適事爲故也

予不善治瘍然嘗聞之治瘍猶治傷寒也傷寒首論外解未解瘍則先分已潰未潰傷寒次審裏實不實再察有無虛象瘍則亦是故瘍之始治自有條理與傷寒迥殊若其初作已挾虛方膿而挾實與夫內搏而傳陰外開而不闔種種與傷寒同卽以傷寒法治之可也今觀篇中皆始條理事而其委曲周折當異於傷寒處剖析綦詳如分別部位則曰頸曰咽曰陰是其所至之上下可見矣研核久暫則曰散曰消無非開首之治曰排曰止痛無非成膿之治皆在未

潰之前是其在之淺深可見矣至諦審名目則曰
腫曰結腫則有浮有堅結則有氣有熱有膿此亦未
潰前事是其所受之來源可見矣推究極盡則曰敗
曰傷皆已潰後事是其所留之既患可知矣而又不
遺傳帖之術膏摩之方蓋亦明明示人以除是已外
儘可同他疾一例治也雖然題曰癰疽篇中列藥二
十二味乃疽字祇兩見餘則盡屬治癰未免偏重不
均夫是亦傷寒例耳回檢傷寒篇起首之治卽無桂
枝外解而後凡爲補爲溫纖悉不載以傷寒實證正
治原已具於篇中調和溫補乃借虛證之治以治傷
寒非傷寒正法也則於此篇遂可識疽證純宜用補

無他別法卽其僅一見於黃芪再見於鹿茸可以會
悟矣若其入後之治本與癰同癰且不載補劑疽更
何勞獨出不又有例可循耶

惡瘡

雄黃平寒大溫○主惡瘡疽痔死肌

雌黃平大寒○主惡瘡頭禿痂疥下部蠹瘡

粉錫寒○療惡瘡

石硫黃溫大熱○主婦人陰蝕疽痔惡血及惡瘡下部
蠹瘡止血殺疥

礬石寒○陰蝕惡瘡

松脂溫○主疽惡瘡頭瘍白禿疥癢風氣

蛇牀子平○主惡瘡

地榆微寒○主惡瘡熱瘡

水銀寒○主疥癩痂瘍白禿

蛇銜微寒○主惡瘡頭瘍

白斂平微寒○主癰腫疽瘡散結氣止痛

漏蘆寒大寒○主皮膚熱惡瘡疽痔作浴湯主熱氣瘡

癢如麻豆

槱木寒○主陰傷蝕瘡口瘡

占斯溫○主寒熱疽瘡惡瘡癰腫

藿菌平微溫○去長患白癧癰疽

莽草溫○主風頭癰腫乳癰除結氣疥癢

青葙子微寒。○主邪氣皮膚中熱風瘙身癢惡瘡疥蝨
下部蠱瘡

白芨平微溫。○主癰腫惡瘡敗傷陰死肌

棟實寒。○主疥瘍

及已平。○主諸惡瘡疥癩及牛馬諸瘡

狼跋平。○主惡瘡癩疥

桐葉寒。○主惡賊瘡著陰

虎骨平。○主惡瘡

豬肚微溫

藺茹寒微寒。○主蝕惡肉敗瘡死肌排膿惡血

藜蘆寒微寒。○主頭瘍疥瘙惡瘡

〔石灰溫〕○主疽瘍疥瘙熱氣惡瘡癩疾死肌墮眉療髓
骨疽

狸骨溫○主惡瘡

鐵漿平○治時氣病骨中熱生疱瘡豌豆瘡飲之差
方梅師

蜀野駝脂○主頑痹風瘙惡瘡毒腫死肌筋皮攣縮
藥對苦葢寒主諸惡瘡軟癰君○療惡瘡下部墮

白石脂平主疽痔惡瘡臣

蘘蓂平主積年惡瘡臣

藁本溫臣○治皮膚疵野酒蘘粉刺

菖蒲溫主風瘙君○主癰瘡○治惡瘡疥瘙

艾葉微溫苦酒煎主除癬及下部瘡臣○療下部蠰瘡

槲皮平臣○治惡瘡煎湯洗之

藥性論

葵根寒君○主惡瘡

柳華寒主馬疥惡瘡煮洗立差使○痂疥惡瘡

五加皮微寒主疳瘡使○主疽瘡陰蝕

梓葉微寒使○主爛瘡

苧根寒主小兒赤丹使

穀葉平洗之令生肉臣

篇竹平主浸淫疥惡瘡使○主浸淫疥癩疽痔女子陰蝕

大麻平臣○嚼塗治小兒疳瘡

子母秘錄

孔公孽溫主男女陰蝕瘡臣○主邪結氣惡瘡疽癰痔

紫草寒主小兒面上瘡使

馬鞭草平主下部瘡臣○主下部蠶瘡

曹青巖曰癰疽癰疥皆惡瘡也病源曰肺主皮毛脾主肌肉氣虛腠疏則溼邪乘入化爲熱毒侵食肌膚浸漬血脈癰疽則或腫或腐疥癰則爲痛爲癢延擻日久變化生蟲淺則外淫深則內薄旣宜化其濁穢又當潔其膿腐然毒本散漫藥峻則傷氣血藥緩則邪淹畱欲弭其患必於宣逐之中寓以抵罅補隙則

之汁出旋作乾痂皆有蟲有馬疥有水疥有乾疥有
溼疥疽者癰之類多發於支節腳脛相對市市作細
孔如鍼頭其裏有蟲搔痛搔之黃汁出隨差隨發有
甲疽有查疽有頑疽有根疽非癰疽之疽也禿見前
髮禿落篇蠶見後蠶篇癰瘡者風溼之氣折於血氣
結聚所生多著手足間遞相對如新生茱萸子痛癢
抓搔黃汁出浸淫生長拆裂時瘡時劇變化生蟲有
燥癰創溼癰瘡久癰創癰者多從風起初入皮膚流
通四支潛於經脈或在五藏眉睫墮落鼻柱崩壞語
聲變散耳鳴啾啾皮肉頑痺不覺痛癢有烏癰有白
癰癰者人運役勞動陽氣發洩遇風冷溼氣折之經

絡之血結澀不通乃生核如梅李丹者風熱惡毒所爲令人身體忽然焮赤如丹塗之象諸患者其來有自其制有物則其間自有鍼孔相符處可人人領會而不必縷述者也第其植根非深而瑣碎淹蹇倏忽以至遷延不退積久內伐仍可斃人所當比諸內證闡發其理者蓋癰疽旣猶傷寒此類則猶瘡痢瘡痢者根連內外此類之根未嘗不亦連內外傷寒乃傷榮衛概從氣分鼓蕩瘡痢則傷經隧每傍血脈消長是瘡痢爲著形體而傷寒反僅礙氣機矣是故礙氣機者易進易退雖奔騰踴躍張甚而可決其生死瘡痢則綿延反覆遲滯而難斷其違從譬之天降時雨

本經序疏要卷六

古

縱傾盆倒峽每多生物之功惟淫霖瀰漫積日累旬者傷害禾稼實甚也篇中諸病大率由溼火痰蟲風醞釀以成受之者多在血脈而溼乃浸淫之溼可由逐而去風非外中之風可由散而息從溼生火火與溼搏而成痰從溼熱生風風與溼熱構而生蟲故篇中藥物除溼者幾居其半卽治風治火治痰亦必關照驅溼通血脈此其大綱矣

漆瘡

蟹寒○敗漆愈漆瘡

茱萸皮溫大熱○吳茱萸皮能療漆瘡

苦芙微寒○主面目通身漆瘡

雞子白微寒。治漆瘡塗之

鼠查見杉材注。洗漆瘡

井中苔萍大寒。主漆瘡熱瘡

秫米微寒。療漆瘡

杉材微溫。療漆瘡。削作柿煎湯隱居

蜀本石蟹寒。主漆瘡

漆姑葉微寒。療漆瘡見杉材注
隱居云

藥對芒消大寒。傳漆瘡君。湯漬芒消令濃洗漆瘡

證類黃蘗木。洗湯火漆瘡及赤眼

曹青巖曰漆之爲物濡溼則乾風燥反潤投以鹹鹵則消化爲水人著其氣則腫而爲瘡病源曰漆瘡者

本經序疏要

卷六

五

瘙癢腫起先發赤瘡後生細粟厲者腫膿焮痛極而爲痂癩然有不畏者終日播弄了無他苦畏者遠襲其氣輒發輕者至七八日不治自差重者治以相制之物亦必七八日始已或曰其人本有溼熱感漆氣之竄烈則爲瘡每見易生瘡疥者染氣卽發遇漆則固無恙也是稟賦之畏惡非溼熱之感召也明矣

按治漆瘡者惟化患害爲護衛其義最精且盡美盡

善

杉材
柿

其次去結聚

芒
消清熱毒

井中
苔萍

其次充土氣

秫
米

澤肌膚

雞子
白

美矣若夫任敗漆之物

蟹石
蟹

漆氣固爲

之解散其質將奈之何是又可證仍有去滓消毒之物爲之佐使以善其後也惟漆之爲物本經列諸上

品謂爲無毒別錄則增有毒於下其理所當究焉夫
人乖常理曰姦物戾常情曰妖在人視之爲妖在物
所具則爲毒漆之毒以其得燥反滴得溼反凝耳然
則本經何以著其主絕傷續筋骨填髓腦之功夫正
以其止能於血液盛滿之軀續筋骨填髓腦也故本
經不曰主絕竭絕涸而曰絕傷正爲其人血液盛滿
時忽遭傷損致斷絕不續耳既知其如是不遂可知
其於血液燥涸人則能劫血液使滴揚血液使沸耶
故患漆創者多嬌怯白嫩之人蟹鹹寒散血漆能劫
之則蟹能散之漆能揚之則蟹能止之所以爲第一
的對之劑篇中諸物欲盡識其用意所在卽以是推

之可也

癭瘤

小麥微寒

海藻寒。主癭瘤氣頸下核破散結氣

昆布寒。主癭瘤聚結氣

文蛤平

半夏平。生微寒熟溫。除癭瘤氣虛而有痰氣加用之

藥性論

貝母平微寒。與連翹同治頸下癭瘤

藥性論

通草平。根治項下癭瘤

藥性論

松蘿平。主項上癭瘤

連翹平。主癭瘤結熱

白頭翁溫。主積聚癭氣

海蛤平。治項下癭瘤

藥性論

生薑微溫

藥對元蔞微寒主散頸下腫核臣

杜蘅溫臣。主項間癭癭

藥性論

曹青巖曰癭瘤皆氣結疾也靈樞刺節真邪論曰有所結氣歸之津液邪氣凝結日甚連以聚居爲昔癭是癭瘤悉緣積累而成癭專主氣癭兼主血癭不治則能妨咽癭不治惟日嘔大而無痛癢故病源有癭可破癭不可破之戒恐氣血外竭而致斃也二候初

覺但宜解結氣通津液使不連聚壅大化熱爲膿則善矣

按古人謂險阻氣多癭淮南墜形訓輕水所多禿與癭人

呂覽何哉蓋生其地者襲其氣食其畜者踐其形氣

應上達血應潛趨當達不達以其地勢有以攖之也

當趨不趨以其力微不能前進也是二說者一似言

癭淮南一似言癰呂覽以癭與癰本係同類特隨處結聚

曰癰但居頸項曰癭以義言之嬰繞抱也淮南要畧訓以與天

和相嬰留滯守也莊子山木注滯守者不能擇地繞抱

者必倚險要故曰癭頸癰也說文癭嬰也在頸嬰喉也

釋名瘰肉起疾也廣韻瘰流也氣血流聚而生腫也釋名猶

不可見泛稱則爲癰在頸則爲癭耶卽癭專主氣癰兼主血亦於此可識矣血有定居氣無定行則宜癰有常處癭無常處乃適相反又氣能鼓激聚則迫急血主流行聚止盈科則應癭急癰寬癰垂癭突乃復相反何哉夫成癭者非有餘之氣爲癰者乃氣阻之血氣緣不足故不能通達而陷於險血緣氣阻故反能鳩合而結爲壘則癭如纓絡之垂癰似榴球之湛非無由也雖然氣本因疲之不盡欲行之量血亦因氣滯乃故違流動之趨是其責皆應在氣故本篇少獨治癭癰之物有之惟一味耳

白頭翁

且見頸項字樣

者十四味中復居其七是可曉行氣則血自流解鬱

則血自順開結則血自通化痰則血自利除火則血自甯耳曾謂竟不治血哉

癭瘡

雄黃平寒大溫。主寒熱鼠癭

礬石大熱生溫熟熱。主寒熱鼠癭

常山寒微寒。主鼠癭

狼毒平。主惡瘡鼠癭疽蝕

側子大熱。寒熱鼠癭

連翹平。主寒熱鼠癭瘰癧

昆布寒。主結氣癭瘡

狸骨溫。主鼠癭惡瘡

王不留行平。主癰乳

斑猫寒。主鼠癰疥癬

地膽寒。主鬼疰寒熱鼠癰惡瘡

鼈甲平

蟾蜍寒臣。治鼠漏惡瘡。藥性論

附子大熱使

漏蘆寒主諸癰。療諸癰疥久服甚益人。隱居

白礬寒。主癰惡瘡癰癰使。治鼠漏癰癰。藥性論

雌黃平主諸癰惡瘡臣

車前子寒

蛇銜微寒主鼠癰臣

證類蝦蟇寒。蝦蟇即蟾蜍也重出

曹青巖曰癰瘡之源凡三素問生氣通天論曰陷脈爲癰留連肉腠是緣瘍久不斂而成者靈樞寒熱篇曰鼠瘻之本在臟是因情志拂鬱而發者又曰浮於脈中未著肌肉外爲膿血是受蟲鳥之毒而生者夫蟲鳥之毒或自飲食染其精液或自居處襲其毒氣內則決而逐之外則蝕而去之所謂從本引末以去之也瘍久不斂或瘍生筋骨空陷之處外闔而內不聯或以氣血虛乏腐去而肉不長所謂補虛易而塞漏難也情志拂鬱則精血內沮他臟之損不若肝臟之專男子每發於莖婦人歷生於乳經方所謂癰瘻

乳癭是也亦有發於頸掖者所謂狼癭是也其成每至數年數十年其潰每至於死而後已近世名之曰失榮乳巖陰巖治者善於補救尙爾無裨攻蝕則適促其生也

按陷衄爲癭卽所謂漏也本在於臟上出頸腋間者卽所謂瘰癧是其未潰者也浮於衄中未著肌肉外爲膿血者卽所謂鼠癭是瘰癧之已潰者也漏者當求諸癰疽治虛之法瘰癧者當順氣開結鼠癭者當殺蟲解毒癰疽治虛順氣開結自宜依指他求若解毒殺蟲則此篇備矣凡曰瘰癧及言癭不言鼠者皆解毒者也言鼠癭惡創者皆殺蟲者也而順氣開結

亦多寓焉蓋惟專順是氣專開是結者皆不假取諸他篇也雖然鼠蠅蜂蟻蛇蛙蟲虵蚘蟥蠮螋螂蚯蚓蝦蟇螭鵠烏鵲既遺精於食既中毒於人何以不爲內患而反流於經脈發諸皮膚且能不著肌肉耶夫惟如此方可用篇中諸物而不嫌其毒也蓋人藏府充實毒本難干設藏府不虛第經脈懈弛則毒不內犯而外流故藥物亦得以毒化毒耳假使毒內蘊而發病甯得尙攻伐耶就是而循其所列之物察其氣性之異合夫剋化之理推其生制之宜而更佐以抵隙補罅之資期歸於成平帖服而後已詎不可哉且靈樞寒熱篇岐伯答帝治鼠瘻千金外臺皆

作請從其末引其本今本乃作請從其本引其末唐人所引詎無所本況非止一處也不與本篇之旨脗合耶

五痔

白桐葉寒○皮主五痔

篇蓄平○療疽痔

猬皮平○主五痔陰蝕下血赤白

猪懸蹄平○主五痔伏熱在腸

黃芪微溫○主五痔鼠癰

蜀本五靈脂溫

五倍子平○療五痔下血不止

藥 龜甲平主五痔臣

赤石脂大溫君。療癰疽瘡痔

槩木寒主腸痔

榧子平臣。主五痔去三蟲

槐子寒君。補絕傷五痔火瘡

蛇脫平。寒熱腸痔

臘月鴈鵠平作屑主五痔。主五痔止血

鼈甲平主五痔臣。主蝕痔惡肉

腐木槩寒臣

竹筴微寒臣。治五痔

藥性論

葶耳微寒臣。爲末水服治五痔

千金翼

懈岬平燒作散主痔。○榘若主痔止血

證類槐鵝微溫。○治五痔。槐花鵝見簡要濟衆方

柏葉平

艾葉微溫。○治五藏痔瀉血。藥性論

曹青巖曰痔侯凡五皆下血有瘡生氣通天論曰因而飽食經脈橫解腸澼爲痔病源曰醉飽合陰陽致血氣勞擾經脈流溢滲漏腸間衝發爲痔據此則痔因氣勞擾而下注血卽隨注而滲泄泄而不暢則瘀滯變熱而結腫滲而不已則經脈滑溜而爲澼腫久爲膿則成痿澼久乏氣則脫肛腫而熱者化其熱虛而滑者固其脈必補益其氣使樞軸旋不阻斯治法

之善也

按崔氏曰五痔肛邊生肉如鼠乳出孔外時時濃血出者牡痔肛邊腫痛生創者酒痔肛邊有核痛寒熱者腸痔大便輒清血者血痔大便難肛良久乃肯入者氣痔集驗曰氣痔溫寒溼勞卽發蛇脫皮主之牡痔生肉如鼠乳在孔中頗見外妨於更衣鼈甲主之牡痔從孔中起外腫五六日自潰出膿血蝟皮主之腸痔更衣挺出久乃縮豬左懸蹄甲主之蟬痔更衣出清血蜂房主之兩說者參差不齊大同小異更覈之病源千金又或小有不同蓋突於外者爲牡苞於於內者爲牝著於腸者爲腸血者血之不攝氣者氣

之不舉則牡者爲腫牝者爲痛便艱者爲腸重墜者爲氣流血者爲血而腫者有溼有火痛者有熱有瘀便堅者有燥有火重墜者有溼有熱流血者有瘀有虛篇中解熱清火燥溼滲溼舉氣調氣通瘀止血滋燥清燥非特一面周到也皆可就其病之偏重爲之調劑俾歸於平焉欲使知此病之解熱清火等義絕與治他病者不同一若預燭後人將必有以陰陽表裏虛實籠統大概之說爲治病標準者詔之俾息其喙是書之微義也

脫肛

鼈頭平。頭血塗脫肛

藥性論

卷柏溫平微寒。治脫肛

鐵精微溫。療脫肛

東壁土平。主下部瘡脫肛

蝸牛寒。大腸下脫肛筋急

生鐵微寒。主治下部及脫肛

刪繁云肛者主大便道肺與大腸之合也號爲通事
令史若藏傷熱卽脫閉塞大便不通或腫縮入生創
若府傷寒則肛寒大便洞瀉肛門凸出良久乃入病
源云脫肛者肛門脫出也多因久利後大腸虛冷所
爲肛門爲大腸之候大腸虛而傷於寒利用氣嘔而
氣下衝則肛門脫出旣已如是豈有用寒涼之理乃

篇中列藥六味寒涼者三重墜者二此曷故哉夫固當體藏府情性而審其耐寒耐溫之所以然矣試檢千金大腸虛冷篇其證則謂胃中喘腸鳴虛渴唇乾目急善驚其治則用灸爲多其用藥則黃連補湯其物則黃連茯苓芎藭榴皮伏龍肝地榆何嘗有一味溫補而曰治大腸虛冷利下清白腸中雷鳴相逐是誠何故乃治大腸實熱之生薑泄腸湯反生薑白朮桂心連用是知千金方五藏六府虛冷實熱諸篇非泛泛設乃藏府耐藥性情精理所繫矣故刪繁療肝門寒則洞瀉凸出豬肝散方豬肝黃連阿膠芎藭艾葉烏梅亦不濫用溫劑兩相印證無異義也本篇大

旨寒涼三味具伸而能縮之機重墜二味取墜可轉
升之理鼃蝸之伸縮不待言卽卷柏亦得水則舒暴
乾仍卷猶是此意鐵則本重而浥取精氣於水不已
化爲輕乎至東壁土則緣水過下趨爲旣始還以防
水之物爲隄埂之幹耳超超元理益人神智如是

鼃

青箱子微寒。主下部鼃瘡

苦蕒寒。療下部鼃

蝮蛇膽寒。主鼃瘡

蝮蛇膽微寒。心腹鼃痛下部鼃瘡

大蒜溫。散癰腫鼃瘡

戎鹽寒

藥對艾葉煎微溫臣。療下部蠱瘡

證類馬鞭草平。主下部蠱瘡

虻蟲

薏苡根微寒。下三蟲。煮汁作糜食香去虻蟲效居隱

蘿蔔平微溫。去虻蟲寸白

乾漆溫。利小腸去虻蟲

棟根微寒。療虻蟲利大腸

茱萸根溫大熱。根白皮殺蟻蟲

艾葉微溫。汁殺虻蟲居隱

藥對石榴根平使。療虻蟲

檳榔溫君。殺三蟲

證類鶴蟲平。主蛇蟻蟲用爲散肥肉臙汁方寸七

龍膽寒大寒。去腸中小蟲

寸白

檳榔溫。療寸白

蕪荑平。逐寸白散腸中噎噎喘息

貫衆微寒。去寸白

狼牙寒。去白蟲

雷凡寒微寒。白蟲寸白自出不止

青葙子微寒。殺三蟲

橘皮溫。止泄去寸白

茱萸根溫大熱。治寸白蟲。藥性論

石榴根平。療寸白。

榧子平。去三蟲。

藥對桑根白皮寒臣。利水道去寸白。

曹青巖曰溼熱之氣變化生瘡蝕爛孔竅卽金匱之狐惑病源之疳蠹也傷寒熱病邪不盡達薰蒸腹中浸淫孔竅令人下部或咽喉生瘡喜睡惡食微熱利血甚則胃虛氣逆嘔噦每有致死者嗜甘之人脾胃氣緩蟲動侵食亦能爲之但宜化導鬱勃之氣蓋欲復窪聚之流先淪溼遏之源是也

又曰九蟲之害虵與寸白爲多皆溼熱化生者也虵

處胃中每有上逆吐出者寸白處腸中但從大便出者蛭依於血寒則內動而致腹痛寸白附於液熱則滋生而致疳蝕其生也藉藏府之溼熱其出也憑糟粕之黏裹蛭則必待血滯通而後行寸白必待凝液化而始出蛭性畏苦寸白性畏辛得其性而制之流毒可冀免矣

按蠱蛭寸白所由不同趨嚮殊異而均爲蟲者以脾胃失職溼熱蘊隆則同也狐或屬心心者火火逢空斯發故主面日乍赤乍黑乍白著物卽燃故主蝕蛭屬肝肝者木木上聳下科故主上下皆出喜潤惡燥故主煩寸白屬脾脾者土土藏垢納汗故主津液凝

濁生物繁庶故主羣又狐惑連表而裏不靖故狀如傷寒默默欲眠目不得閉臥起不安不欲飲食惡聞食臭虬病在陰而陽不振故主脈微而厥膚冷靜復時煩須臾復止得食而嘔又煩寸白諸書皆少言其外候惟千金謂脾勞熱則有白蟲在脾中爲病令人好嘔本篇謂腸中噎噎喘息蟲自出不止則陽不運陰而反激陰之候也又肝藏血故虬每倚血爲起伏篇中薤苢根乾漆棟實艾葉皆屬血藥而能殺蟲者脾生津故寸白必凝津爲窠白篇中貫衆橘皮梔子桑皮皆於津液中殺蟲者虬服苦篇中誠有沉苦之列寸白服辛篇中不乏辛烈之厠質之於蠶則辛苦

竝陳津血竝利而與寸白同用青箱已可見其清溼
熱可瘳與虻同用艾葉又可見其行血液乃伏然執
此而不知權變猶執一也權變惟何傷寒論之烏梅
凡金匱要略之甘草粉蜜湯甘草瀉心湯苦蕒洗雄
黃薰是也說者謂蟲生於風故風字從虫此言良是
第此風若係外中內生其咎應不止此是必別有故
試思溼盛則爲痺爲攣水停則爲痰爲飲又安得生
蟲惟其中有熱則陽氣不得入而與之交化於是陽
氣與溼熱錯而相摩蕩焉正蒙所謂陰氣凝聚陽在
外不得入則周旋不舍而爲風者是也是知生蟲之
溼與水非盛滿停滯乃飲食精微之餘不隨陽化者

仍係生氣之萌故成有生之物確似風而實非風也
或者又謂蠱與寸白人不常有虺則夫人有之故多
別無大病稍稍怫逆卽見於吐者是已蓋天之與地
無所不包陰陽交化而孕育者無物不有則人腹之
有蟲又何疑焉古人亦以泛辭置之曰人不必盡有
有亦不必盡多或偏有或偏無皆依腸胃之間若腑
臟實則不爲害虛則侵蝕焉隨其蟲之動而能變成
諸患也病源云

本經序疏要卷六

本經序疏要卷之七目錄

虛勞六十七

陰痿六十八

陰癰六十九

囊溼七十

洩精七十一

好眠七十二

不得眠七十三

腰痛七十四

婦人崩中七十五

月閉七十六

無子七十七

安胎七十八

墮胎七十九

難產八十

本經序疏要卷之七

武進鄒澍學

虛勞

丹沙微寒

空青寒大寒○益肝氣

石鍾乳溫○安五藏益氣補虛療下焦傷竭強陰

紫石英溫○補心氣不足

白石英微溫○益氣補五藏

磁石寒○養腎藏強骨氣

藥性論云能補男子腎虛風虛身強腰中不利蓋攝治節

於作強中也

龍骨平微寒○養精神定魂魄安五藏

本經序疏要卷七

茯苓平。調氣伐腎邪長陰益氣力保神守中

黃芪微溫。補丈夫虛損五勞羸瘦

乾地黄寒。主男子五勞七傷女子傷中胞漏

茯神平。療風眩風虛五勞

天蓼冬平大寒。保定肺氣

薯蕷溫平。主傷中補虛羸勞瘦充五藏除煩熱強陰

石斛平。主傷中補五藏虛勞羸瘦強陰

沙藟微寒。補中益肺氣

人藟微寒微溫。補五藏

元藟微寒。補腎氣

五味子溫。主益氣勞傷羸瘦補不足強陰益男子精

肉苁蓉微溫。主五勞七傷補中養五藏強陰益精

續斷微溫。助氣調血脈補五勞七傷

日華

澤瀉寒。補虛損五勞

牡丹寒微寒。安五藏

芍藥平微寒

牛桂溫。補中益氣

遠志溫。主傷中補不足

當歸溫大溫。補五藏生肌

牡蠣平微寒

五加皮溫微寒。五緩虛羸補中益精

白棘寒。療丈夫虛損陰痿精自出補腎氣益精髓

覆盆子平。主益氣。

巴戟天微溫。安五藏補中增志益氣。

牛膝平。療傷中少氣。

杜仲平溫。補中益精氣。

柏實平。安五藏益氣療恍惚虛損吸吸。

桑螵蛸平。療男子虛損五藏氣微。

石龍芮平。平腎胃氣補陰氣不足。

石南平。主養腎氣內傷陰衰。

桑根白皮寒。主傷中五勞六極羸瘦補虛益氣。

地膚子寒。補中益精氣。

車前子寒。養肺強陰益精。

麥蘗冬平微寒。療虛勞客熱口乾燥渴

乾膝溫。主絕傷補中安五藏

兔絲子平。主續絕傷補不足益氣力肥健

蛇牀子平。令婦人藏熱男子陰強

枸杞子微寒。補內傷大勞噓吸

大棗平。補中益氣

枸杞根大寒

麻子平。主補中益氣

胡麻平。主傷中虛羸補五內益氣力長肌肉填骨髓

唐葛根平。起陰氣

蜀補骨脂大溫。主五勞七傷風虛冷

本草綱目卷之十一
藥對甘草平補益五藏下氣長肌肉制諸藥君

黃雌雞平主續絕臣○補益五藏療勞益氣

萎蕤平補不足除虛勞客熱頭痛君

甘菊平補中益五藏君

紫苑溫主勞氣臣○五勞體虛補不足

狗脊平補益丈夫臣

藕實寒補中養氣君○主補中養神益氣力除百疾

蜂子微寒補虛冷君○補虛羸傷中

蕪青蘆服溫益五藏輕身君○主利五藏輕身益氣

赤石脂大溫主養心氣君

薔薇微寒主五藏寒熱君

雲母平主氣益精君。安五藏補中療五勞七傷虛損少氣。

枳實微寒主虛羸少氣君。利五藏益氣。

防葵寒君。療五藏虛氣。

虛由於自然勞因於有作譬諸器物虛者製造之薄劣勞者使用之過當仲景論虛勞凡言勞者必主脈大云脈浮脈浮弱而濇脈虛弱細微脈沉小遲皆不謂勞則可見勞者脈必大虛者脈必小遂可知勞者精傷而氣鼓虛者氣餒而精違而其間節目虛有陰陽之不同勞有傷損之殊異是其治則遂覺煩多以篇中校之大率曰補曰安皆治勞之技曰益曰養咸

治虛之法以其所至之處察其所乘之機剖而析之
曲而帖之可以得其當也夫大熱消渴鬼疰尸疰吐
唾血上氣欬嗽下利聲啞癢羸陰痿洩精不得眠腰
痛婦人崩中月閉皆可為虛勞兼有雖不能不合於
諸證之治要須與是相符而不相乖更核是篇須與
彼相即而不相舛乃能曲當苟泥諸證常治恐犯虛
虛之戒徒執本篇所見又防盛盛之嫌故篇中不憚
縷析條陳合而言之則曰安五藏石鍾乳龍骨牡丹
巴戟天柏實乾漆
雲母補五藏白石英石斛
人蔘當歸補益五藏甘艸黃
雌雞充五藏薯
蕒
養五藏肉蓯蓉五藏氣微桑螵蛸補五內胡麻益五藏甘菊
花蕪
青五藏寒熱薔薇五藏虛氣防葵調藏氣茯苓利五藏蕪菁
枳實

五勞

黃芪茯神澤蔞桑白皮紫苑但主五勞

七傷

乾地黃續斷補骨脂雲母兼主五勞七傷

補中

沙蔞牡蠣五加皮牡桂巴戟天杜仲地膚子乾漆大棗麻子甘菊花藕實雲母

莫不具

列章程分而言之則曰肝

肝氣

空青

益心

紫石英補心氣不足赤石脂養

心肺

天冬保定肺氣沙蔞

腎

磁石養腎氣元蔞白棘補腎氣石南養腎

氣益氣

石鍾乳白石英覆盆子巴戟天柏實桑白皮黃雌雞燕青枳實續斷

益氣力

兔絲子胡

羸瘦

黃芪薯蕷石斛五味子五加皮桑白皮蜂子枳實兔絲子令肥健胡麻甘

草長肌肉當

傷中

地黃薯蕷石斛遠志牛膝桑白皮胡麻蜂子

強陰

石鍾乳薯

蕷石斛五味子肉苁蓉車前子蛇牀子磁石強骨氣石南主陰衰

益精

五味子肉苁蓉五加皮白

棘杜仲地膚子車前子胡麻

莫不各分條理校他病之用補益者

毫不相同其灼然尤可明者無如除熱一法不加散

發不投清泄其命意更屬天淵

薯蕷除煩熱麥藷冬主客熱口乾燥渴萎

難平客熱頭痛蓄
薇主五藏寒熱

是其因地制宜為何如哉奈何輓

近論治虛勞輒曰滋陰清火養血除熱既不按病治

病復不遵循仲景凡桂枝龍骨牡蠣小建中黃芪建

中天雄散等物治之方概視為畏途漫不加省馴至

胃減便溏益復寒涼滋膩致不可捄而止無怪乎是

篇更弁髦置之矣而不知是篇宗旨確有稗補仲景

者請試言其一二如益精而去精中之蕪累

地膚子
車前子

五加皮

強陰而召不羈之浮陽

石鍾乳薯蕷
石斛五味子

因傷中而

反求諸上下

桑白皮
牛膝

因羸瘦而轉事消耗

桑白皮
枳實補

中者益脾益氣亦益脾而寓治體治用於其間

補中
諸物

是益脾體益氣
諸物是益脾用

不然則四藏皆有專補而脾獨闕如

也安五藏補五藏補益五藏充五藏養五藏益五藏
皆以聯絡五藏而寓動靜升降於其間不然諸物之
功未見若是其溥也要而言之篇中列藥六十五味
無非補精補氣兩端推而極之則其間性溫者二十
性平者二十有六微寒者七寒者十有二又不過丹
沙空青磁石天蓼冬澤瀉白棘桑白皮地膚子車前
子枸杞根藕實防葵等物治虛勞大旨猶不可窺見
一斑乎

陰痿

白石英微溫

○主消渴陰痿不足

陽起石微溫

○陰痿不起補不足男子莖頭寒陰下溼

癢

巴戟天微溫。主陰痿不起。

肉苁蓉微溫。主莖中寒熱痛強陰益精氣。

五味子溫。強陰益男子精。

蛇牀子平。男子陰痿溼癢能令陰強。

地膚子寒。強陰。與陽起石同服主丈夫陰痿不起。

補氣益力

藥性論

鐵精微溫。治產後陰下脫。

白馬莖平。主傷中脈絕陰不起。

兔絲子平。強陰主莖中寒精自出溺有餘瀝。

原蠶蛾熱。主益精氣強陰道交接不倦。

狗陰莖平。主傷中陰痿不起令強熱大

雀卵溫。主男子陰痿不起強之令熱多精

藥對 檮雞平使。主心腹邪氣陰痿益精健志生子好色

五加皮微寒主陰痿下溼使。男子陰痿囊下溼癢

小便餘瀝

覆盆子平能長陰臣。主陰痿能令堅長

牛膝平主陰消君。男子陰消婦人失溺

石南平使。主養腎氣內傷陰衰。雖能養腎令人

陰痿

藥性論

白芨微寒主陰痿使

小豆花主陰痿不起使

證類

山茱萸平微溫。強陰益精

天雄溫大溫。長陰氣令人強志。助陽道暖水藏

日華

虛勞已下自陰痿至腰痛七證連屬在虛勞足見下
虛者多在七證七證皆虛勞支別而陰痿尤切近故
首及焉陰痿與虛勞切近其義在金匱虛勞篇一則
曰陰寒精自出再則曰精氣清冷曰陰頭寒蓋非精
無以蓄陽非陽無以化物生氣生血之本遂絀動靜
云爲之節皆乖虛勞之成多由於此是以本篇藥物
複虛勞者恰半而皆強陰益精和暖資育之品以存
少火而成脾胃轉運之功非爲購精設祈似續計也

雖然二莖蠶蛾雀卵實亦因是而用夫恢復之役積
儲易而發機難雖溫煦培植而機括未靈仍同堆垛
不足以轉發生氣象譬諸釜底益薪縱多不燃何由
得煖必且以炬引之是其驗矣其他則一若突中除
溼五加皮竈下噓薪陽起石障煖氣之旁洩天雄伸氣機之
窒礙山茱萸竝可引類而推此所以雖似虛勞附庸實
是虛勞隣境各闢都鄙別建城郭而不相統攝者也
惟治痿獨取陽明陽明虛宗筋縱者則與是迴殊不
得混同而論

陰癰

海藻寒。暴癰留氣熱結利小便

鐵精微溫。見陰瘻

狸陰莖溫。主男子陰瘻燒之以東流水服之

狐陰莖微寒。小兒陰瘻卵腫

蜘蛛微寒。主大人小兒瘻

燕藜溫微寒。陰瘻可作摩粉

鼠陰平

藥對蝦蟇衣寒主陰腫。車前子也然不云治陰腫

地膚子寒。治陰卵瘻疾去熱風可作湯沐浴。藥性論

槐皮煮汁主陰腫。淋陰囊墜氣痛。藥性論

痿者疲垂不起瘻者木腫不靈疲垂不起為虛勞支別宜矣木腫不靈亦為虛勞支別乎不知素問陰陽

別論曰三陽爲病發寒熱下爲癰腫及爲痿厥臍痛
其傳爲索澤其傳爲癰疽夫太陽陽之至盛也偏寒
氣於寒水而其氣下行賴足少陰腎之經遞接而復
上出假使腎氣不給不克傳宣斯寒水盛陽鬱勃於
上而沸騰湧逆交戰肌表抑溜於下而浸淫漸漬漬
敗血脈由是而在外之潤澤日以蕭索由是而在下
之靈機日以虺隤病若是者可爲虛勞支別否耶是
故癰本疝類而與疝源不同

說見本經疏證蜘蛛下

陰癰與陰

痿不同而其源卻不甚異此古人編書相次之微旨
也陰癰隱秘醜惡之疾以不甚害起居食息較之凡
癰反爲可耐故多忍之不肯宣播然觀篇中所用藥

物則其間兼證亦殊不一如用蜘蛛則有時腫時減者矣用海藻則有堅頑難馴者矣用鐵精則有重墜迫切者矣用蝦蟇衣則有小洩不利者矣用地膚子則有肌熱者矣用蒺藜則有癢者矣用槐皮則有痛者矣用三種陰莖則有癰而并痿者矣要之痿則有虛無邪癰則虛邪錯雜凡癰則邪多於虛陰癰則虛甚於邪然皆緣少陰腎不能泌別清濁化陰使從陽舉陽使載陰盤旋以上濟所致故分正羨引陰陽自應支貫條析而佐以強陰益腎皆可因彼而識此也

囊溼

五加皮溫微寒。男子囊下溼女人陰癢

槐枝一作槐皮。洗瘡及陰囊下溼癢。

槲木寒。

虎掌溫微溫。除陰下溼。

庵間子微寒微溫。

蛇牀子平。主男子陰痿溼癢。浴男女陰去風冷。藥性

論陰汗溼癢。日華

牡蠣平微寒。和蛇牀子麻黃根乾薑爲粉主陰汗。拾遺

宣溼清溼劫溼燥溼化溼矣而又緊切於陰囊以治

囊溼尙何容論哉第此微末之疴似若不足爲虛勞

支別者殊不知亦虛勞支別也所知錢君叔和因下

血致虛勞多服補益巨劑始瘥瘥後遂成囊溼苟纔

燥輒復下血而虛證叢集間亦陰爲癰腫必仍服溫補大劑但囊得溼病卽愈矣巢元方曰大虛勞損腎氣不足故陰汗陰冷液自泄風邪乘之則搔癢豈不信然

洩精

韭子溫。主夢洩精溺白

白龍骨平微寒。療夢寐洩精小便洩精

鹿茸溫微溫。小便利洩精溺血

牡蠣平微寒。療洩精

桑螵蛸平。主男子虛損五藏氣微夢寐失精

車前子葉寒。治洩精

藥性論

澤蔞寒。止洩精消渴淋瀝

石榴皮平。實止漏精

麋骨微寒。主虛損洩精

藥對五味子溫主洩精臣

棘刺寒使

兔絲子平主精自出君。主莖中寒精白出溺有餘

瀝

薰草平臣

石斛平君。益精補內絕不足

鍾乳溫臣。主洩精寒嗽扶元氣健益陽事

藥性論

麥蘖冬微寒臣。主洩精

藥性論

陰陽應象大論曰陽爲氣陰爲味味歸形形歸氣氣歸精精歸化精食氣形食味化生精氣生形味傷形氣傷精精化爲氣氣傷於味據此則陰陽互根彼此遞化而精爲陰之至醇陽之歸宿矣蓋惟其有陽歸宿故能守而不離惟爲陰之至醇故亦感陽而動金匱要畧虛勞篇論洩精蓋分兩種一者陰寒精自出也一者夢失精也病源則分四種曰失精曰溢精曰尿精曰夢洩精外臺秘要僅存其三而無溢精夫固謂溢精爲見聞精出則仍與夢洩精無異原可不必別分條件統而會之尿精自別有故夢洩精是感陽而動一例陰寒精自出是陽不歸宿一例桂枝龍骨

牡蠣湯小建中湯者失精之治天雄散者陰寒精出
之治故外臺遂仿是布置焉原夫人之生本水火相
守局也卽水所以湛然盈澄然潔者豈徒恃隄岸鞏
固哉蓋必水無他歧之衝齧風無別道之激蕩然尤
畏寒氣凌侵潦消漲落不期縮而縮不期竭而竭故
治洩精者首當使其水勢搏而弗散內而弗外韮子五味
子其次則使土攝水龍骨使陽歸陰牡蠣於是開渠以去
旁歧之引而相從車前子澤蔞聚氣以防衝激之率而相
離桑螵蛸石櫛皮而煦陽以伸其機鹿茸鍾乳黏陰以助其固兔絲子
石斛麥冬則歷處可參入焉要須覈之金匱兩途外臺
三派更合以千金補腎而融會貫通之洩精治則甯

尚有遺憾耶

好眠

通草平。療脾疸常欲眠

孔公孽溫。治常欲眠睡

馬頭骨微寒。主喜眠令人不睡

牡鼠目平。燒作屑魚膠和注目眦則不眠千金方

茶茗微寒。令人少睡

證類沙蔞微寒。治常欲眠藥性論

不得眠

酸棗仁平。主煩心不得眠

榆葉平。治不眠藥性論

細辛溫

藥對沙藹微寒臣

證類乳香溫

靈樞大惑論曰衛氣常以晝行陽以夜行陰行陽則寤行陰則寐若其人腸胃大則衛氣行畱久皮膚溼分肉不解則行遲畱於陰也久其氣不精則欲瞑故多臥矣其人腸胃小皮膚滑以緩分肉解利則衛之畱於陽也久故少瞑焉據衛氣行篇言其行自平旦出於目行足太陽手太陽足少陽手少陽足陽明手陽明竟而復始凡行二十五周遂盡陽分乃由足少陰注於腎而心而肺而肝而脾亦如陽之二十五周

以復出於目則當其在陽具建瓴之勢行乎所不得
行固無干於好眠不得眠也惟入陰則穿貫府藏經
由分肉寬則遠窄則近滑則疾濇則徐殆止乎所不
得不止好眠不得眠因此生焉雖然此其常也不得
爲病無從求治然病之好眠不得眠倘不明此則又
無從求治是故據兩病所列首味而言則好眠是陰
滯於陽不得眠是陰不浹陽矣治好眠當求其陽出
陰中今反陰滯於陽治不得眠當求陽交於陰今反
陰不浹陽是由出入之違常徑道泥濘則行止濡遲
徑道清肅則行止速疾故治好眠以浣濯茶茗治不得
眠以黏滑藥是由汗潔之背度陰分有阻陽不得入

則宜去陰中之阻

細辛

陽分自曠陰不得出則宜促留

陰之駕

孔公

是由通塞之愆期準此而會意焉其他

亦可不事縷述矣獨沙藹一味藥對謂其主不得眠
證類又言其主好眠何也夫沙藹之治好眠以能緩
滑皮膚解利分肉也其治不得眠則以能涇潤皮膚
脂膏分肉也試參之老人類少眠以皮膚槁也凡人
茶飲多者亦少眠以分肉利也故沙藹之治不得臥
是取其體氣之春容豐腴者類多臥以分肉濇也勞
力者亦多臥以汗易洩也故沙藹之治好眠是取其
性味之滑澤至腸胃之寬窄似無涉於沙藹之治矣
然寬者行遲不可使之滑澤而迅乎窄者行疾不可

使之充滿而遲乎是皆得以類擴充者也

腰痛

杜仲平溫。主腰脊痛補中益精氣堅筋骨強志

草薢平。主腰背痛強骨節

狗脊平微溫。主腰背強機關緩急周痺男子腳弱腰痛

梅實平。療肢體痛

鱉甲平。療血瘕腰痛

五加皮溫微寒。主腰脊痛兩腳疼痛

菝葜平溫。主腰背寒痛

爵牀寒。主腰脊痛不得著牀俯仰艱難除熱可作浴

湯

蜀本木鼈子溫。止腰痛。

藥對牡丹微寒使。勞氣頭胛痛。

石斛平君。主男子腰腳軟弱。藥性論

附子大熱使。主腰脊風寒。

證類鹿角膠。主傷中勞絕腰痛羸瘦補中益氣。

牛膝平。除腰脊痛。

鹿茸溫微溫。主羸瘦四肢痠疼腰脊痛小便利。

烏喙微溫。主寒熱歷節掣引腰不能行步。

續斷微溫。主腰痛關節緩急。

病源云腰痛有五。一曰少陰少陰腎也由十月萬物

陽氣皆衰而痛二曰風痺由風寒著腰三曰腎虛由
役用傷腎四曰腎腎由墜墮傷腎五曰寢臥溼地又
云腎主腰腳腎經虛損風冷乘之故腰痛諸證皆有
因而無狀惟云邪客於足少陰之絡令人腰痛引少
腹不可以仰息此可爲第一項注解然素問刺腰痛
篇所謂足少陰令人腰痛痛引脊內廉者又與之稍
有異同此外在病源則腰痛不得俯仰風溼腰痛卒
腰痛久腰痛腎著腰痛各標名目在素問則六經腰
痛解脈腰痛同陰腰痛陽維腰痛會陰腰痛飛陽腰
痛昌陽腰痛散脈腰痛肉里腰痛別白樹幟皆與下
四項參差不合惟病源云腎腰痛者謂卒然傷損於

腰血搏背脊所爲久不已令人氣息乏少面無顏色
素問云衡絡之脈令人腰痛不可以俯仰仰則恐仆
得之舉重傷腰衡絡惡血歸之此卻可爲第四項注
解且於篇中鼈甲之治確有合也大率欲求五項之
狀亦匪甚難一項三項自屬內傷然一項由天三項
由人縱同爲虛軟痿疲由天者必別無他涉由人者
自更覺困頓二項四項五項同爲外傷然由風寒則
必牽掣由溼則必沉重至傷損則更自有異此其畫
然可分者也至於素問所列尤廣其狀益確然解脈
陽維衡絡會陰飛陽皆足太陽之別同陰肉里皆足
少陽之別散脈爲足太陰之別昌陽爲足少陰之別

均得仍隸六經約其旨趣亦可分以陰陽兩端竝可
概以在陰者虛在陽者實徵之陽之痛爲引項脊尻
骨加重爲如以鍼刺皮中循循然亦可俯仰爲不可
顧顧如有見者善悲陰之痛爲痛引脊內廉爲腰中
如張弓弩弦蓋內外虛實的然有辨不容杜撰矣尋
篇中所列補瀉自是殊途寒溫已別所屬或驅風或
滲溼或燥寒或清熱均得因材器使或疏氣或行血
或耐急或茹剛咸令隨事設施而大旨則覲定補虛
損化溼痺利機械強筋骨以腰痛始終爲虛勞支別
虛者多實者少也

婦人崩中

石膽寒。主崩中下血

禹餘糧寒平。主煩滿下赤白。治崩中

藥性論

赤石脂大溫。主崩中漏下

代赭寒。女子赤沃漏下帶下百病

牡蠣平微寒。療女子帶下赤白

龍骨平微寒。主女子漏下

蒲黃平。主女子崩中不住

藥性論

白殭蠶平。主女子崩中赤白

牛角鯁溫。主女人帶下血

烏賊魚骨微溫。主女子漏下赤白經汁

紫葳微寒。主婦人產乳餘疾崩中

桑耳平。主女子漏下赤白汁

生地黃大寒。主婦人崩中血不止

檉木寒。主女子漏下赤白

白茅根寒。止婦人崩中

艾葉微溫。止婦人漏血

鮫甲微溫。主女子崩中下血五色小腹陰中相引痛

鼈甲平。治婦人漏下五色羸瘦者燒令黃末之清酒

服藥性論

馬蹄平。白馬蹄療婦人白崩赤馬蹄療婦人赤崩

白膠平溫。療崩中不止四肢痠疼多汗

丹雄雞微溫微寒。主女子崩中漏下赤白沃補虛溫

中止血

阿膠平微溫。主女子下血安胎

鬼箭寒。主女子崩中下血腹滿汗出

鹿茸溫微溫。主漏下惡血

大小薊根溫。主女子赤白沃

馬通微溫。主婦人崩中止渴

伏龍肝。主婦人崩中吐血

乾地黄寒。主女子傷中胞漏下血

藥對柏葉微溫酒漬主吐血及崩中赤白君

續斷溫臣。主婦人崩中漏血

淡竹節微寒。主崩中溢筋

白芷溫主漏下赤白臣

蝟皮平臣。下血赤白五色汁不止

飴糖微溫臣

地榆微寒主漏下赤血。主婦人七傷帶下病。治

月經不止血崩

日華

綱曰崩中而目有崩有漏有沃有帶是其緩急輕重

之勢可從此參矣崩如山豕卒崩

毛詩

言其來甚驟其

勢重急也漏猶漏師

公羊

言自上下洩也沃如沃泉懸

出

爾正

言不假旁流直漏而下也帶之著衣如物繫帶

釋名

言其柔韌連續也體狀一殊情由立異斯固宜循

因索治如治崩是治崩

石

脂禹餘糧蒲黃白殭蠶紫
葳生地黃茅根鱉甲馬蹄白

膠鬼箭馬通伏龍肝竹茹柏葉治漏是治漏龍骨烏賊魚骨桑耳槩木艾葉鱉甲鹿茸乾地

黃白正治沃是治沃大小治帶是治帶牡蠣牛角奈何薊根

或竝治崩漏赤石脂或竝治崩漏沃丹雄雞或竝治沃

漏帶耶代薊石何況根本固迥異如下赤白下五色而

有兼治赤白者禹餘糧牡蠣鱉鱉烏賊魚骨桑耳槩木馬蹄丹雄雞大小薊柏葉白芷

兼治五色者蛇甲鼈甲蠟皮此又何說且赤白二端相兼者

既衆矣而但治下血者頗不爲少石膽生地黃艾葉阿膠鬼箭鹿茸乾

地黃續斷地榆但治下白者乃僅止一味且仍在兼治赤白

中白馬蹄是又何耶仲景曰婦人之病因虛積冷結氣

爲諸經水斷絕至有歷年血積寒結胞門寒傷經絡

凝堅在上嘔吐涎唾久成肺癰形體損分在中盤結

繞臍寒疝或兩脅疼痛與臑相連或結熱中痛在關元脈數無瘡肌若魚鱗時著男子非止女身在下來多經候不勻令陰掣痛少腹惡寒或引腰脊下根氣衝氣急痛膝脛疼煩奄忽眩冒狀如厥巔或憂慘悲傷多嘔此皆帶下非有鬼神久則羸瘦脈虛多寒三十六病千變萬端審脈陰陽虛實緊弦行其鍼藥治危得安病雖同而脈源各異據此則千變萬端皆緣於積冷結氣兩者而其爲病遂分三歧在上則爲肺癰在中則或爲寒疝或爲熱中在下則惟帶下而已素問骨空論曰任脈爲病男子內結七疝女子帶下瘕聚蓋積冷結氣在下久而幻化阻隔衝脈寒則凝

其通降而經閉不行熱則激其機械而漏下不止不通降則滯於任而爲帶爲沃被激迫則沸於衝而爲崩爲漏寒熱相薄則崩漏帶沃竝行竝行既有竝行之由斯竝治自有竝治之故矣第因證易則則不可不究但觀其治崩漏外有兼治他證自宜著意如煩滿滿產乳餘疾紫少腹陰中相引痛鮫羸瘦甲四肢痠疼多汗白安胎阿腹滿汗出鬼渴馬吐血伏肝相葉葉溢筋如與所謂陰掣痛少腹惡寒氣衝急痛膝脛疼煩奄忽時冒悲傷多嗔者大都有合故曰其病雖同脈源各異言病證同則治法同縱淵源有異可勿論也千金白堊凡治三十六病十二癥倍禹餘糧牡

蠟烏賊骨白石脂龍骨九痛倍黃連白斂甘草當歸
七害倍細辛藁本甘皮五傷倍大黃石韋瞿麥三瘕
倍人蔘十二瘕之藥本篇悉備其餘則闕如所謂痛
害傷瘕皆非下赤白惟十二瘕則曰如骨如黑血如
紫汁如赤肉如膿痂如豈汁如葵羹如凝如清血血
似水如米泔如月浣乍前乍卻及經度不應期皆名
曰瘕而實係帶卽此又可識五色者不必逐色審定
凡屬漏下均可隨證檢治矣陰陽應象大論曰陽化
氣陰成形是故在陽之病聚則成形散則成氣在陰
之病靜則爲瘕動則爲帶男女之分在此上下之異
亦不離此也不然何以病名曰瘕而病則爲崩漏沃

帶哉

月閉

鼠婦微溫微寒。主婦人月閉

塵蟲寒。治月水不通破留血積聚

蠹蟲微寒。蜚蠊主女子月水不通積聚

水蛭平微寒。主逐惡血瘀血月閉

蟬蛻微溫微寒。主月閉

桃仁平。通月水止痛

狸陰莖溫。主月水不通

土瓜根寒。主瘀血月閉

牡丹寒微寒。治女子經脈不通血澀腰痛

牛膝平。主婦人月水不通血結

占斯溫。主血癥月閉無子

虎杖微溫。主通利月水

陽起石微溫。破子藏中血

桃毛平。下血癥破堅閉

白堊溫。主女子寒熱癥瘕月閉積聚陰腫痛漏下無子

銅鏡鼻平。主女子血閉癥瘕伏腸絕孕

藥對

白茅根寒主血閉臣。治瘀血血閉

大黃大寒治月候不通使。主女子寒血閉脹小腹

痛老血畱結

射干微溫使。通女人月閉治氣消瘀血

藥性論

卷柏溫臣。主女子陰中寒熱痛癥瘕血閉絕子

生地黃大寒君。解諸熱破血通利月水閉絕不利

藥性論

乾漆溫治血閉臣。主女人經脈不通

鬼箭寒破陳血使。通月經破癥結

日華

庵闍子微寒臣。療婦人月水不通

朴消大寒君。破留血閉絕

此篇乃金匱要畧婦人雜病篇婦人因虛積冷結氣爲諸經水斷絕證中焦屬熱者治法也夫感受之初寒與氣固不相侔其傳變亦自有異及傳變既定則

證雖有寒熱之異而其因遂不顯寒熱之殊然究其歸猶大率寒少熱多故中病有寒有熱而上下病則不甚見屬寒者蓋因寒爲病仍見寒徵是爲輕淺可以應治速愈不得爲沉痾至有歷年矣下病之治見前崩中篇上病之治見前上氣欬逆篇中病屬寒之治見前腹脹心腹冷痛等篇此何以的知其爲中病屬熱者爲篇中所列皆氣平氣寒故耳中病屬熱證不可以或結熱中痛在關元脈數無創肌若魚鱗數言印證所列如許藥味也則仍當求諸金匱要畧以本篇與金匱要畧相較則有下瘀血湯抵當湯全方於大黃廔蟲凡僅少黃芩甘草芍藥杏仁於土瓜根

散少桂枝芍藥於蠶甲煎凡亦幾得其半大黃廬蟲
凡證肌膚甲錯與肌若魚鱗又正合除諸方所用外
僅餘少半且有各物專治及情性可憑則其通月閉
又何難曉焉第月閉何以不爲上下病而屬中則素
問陰陽別論曰二陽之病發心脾有不得隱曲女子
不月評熱病論曰月事不來者胞脈閉胞脈者屬心
而絡胞中氣上迫肺心氣不得下通故月事不來是
其病爲在中而不可屬諸上下矣雖然理難常執事
變無端月閉非特因上因下無不有卽因於寒者亦
甚多要在就證論治可矣

無子

紫石英溫。女子風寒在子宮絕孕十年無子

石鍾乳溫。令人有子

陽起石微溫。寒熱腹痛無子

紫葳微寒

桑螵蛸平。益精生子

艾葉微溫。使人有子

秦皮微寒大寒。有子

卷柏溫平微寒。主血閉絕子

蜀列當溫。主男子五勞七傷補腰腎令人有子

藥對覆盆子平臣。女子食之有子

白膠溫君。婦人血閉無子

白薇大寒臣

子孳也滋生蕃衍也不滋生者能使之滋生乎夫亦如漆園之論牧夫其害馬者而已乃篇中所載非特去害此又何說易大傳曰天地絪縕萬物化醇男女構精萬物化生解者謂絪縕交密之狀醇厚而凝也言氣化者也化生形化者也夫不交至則不相結猶不交密則不相凝特氣以化而釋形以化而結欲氣之化須陽欲形之化須火故篇中之物溫柔堅韌大抵欲其靜生動陰含陽較之男子陰痿篇大同小異在彼則希其挺拔直遂在此則求其卷舒得宜如是而已然觀天地生物饒有實理卒不容強其幾微敏

妙莫可名狀如生物之功恃雨而所以致雨者不一
垂雨而中輟者亦不一風急而雨風息則止無風而
蒸雨風生則止風違時而雨風轉則止俄頃之際倏
雨倏晴次亦恃日物生而無日照則柔萎不花不實
日常朗而乏雨露則枯槁殭瘠雨後日烈又螟螣叢
生是節候之或晴或雨物生之榮瘁判焉在物則不
期然而然也况水生者惡日陸生者惡水固矣然荷
芡之屬沒頂卽斃蒲柳之質逢潦益茂是特氣有至
不至遇不遇且堅脆或殊厚薄互異壽夭成敗寓乎
其間體天道而盡人爲惟當之者勿强希治之者勿
邀功無子者鑒茲可矣

安胎

紫葳微寒。養胎

白膠平溫。安胎

桑上寄生平。安胎

鯉魚寒。懷妊人胎不安

烏雌雞溫。安胎

葱白平。安胎

阿膠平微溫。安胎

唐本生地黃大寒。傷身胎動下血胎不落

蜀本猪苓平。

按藥性論云主腫脹滿腹急痛當是水無陰不化而侵胎元者

對藥艾葉微溫。安胎止腹痛

本經序疏要

卷七

三

仲景於妊娠篇列桂枝茯苓凡膠艾湯當歸芍藥散
乾薑半夏人參凡當歸貝母苦參凡葵子茯苓散當
歸散白朮散刺瀉勞宮關元法於產前可謂詳悉周
至矣乃於本篇藥物僅用三味阿膠生地黃艾葉餘則闕如
此有遺漏歟抑仲景所見尙有未及歟何相左也不
知兩書立意自是殊途仲景篇目是治婦人妊娠病
本書篇目是安胎妊娠之病亦係六淫外加附子湯治寒當
歸芍藥散葵子茯苓散治水當歸貝母苦澁凡治淫白朮散當歸散治火七情內蘊捨此
而外則實者有舊病不除以妬害新結之生氣有新
去過多以陷溺纔疑之元氣則桂枝茯苓凡膠艾湯
之用矣且仲景書專治六淫故於不得依尋常論者

特別出治法本篇乃據情立治故不及兼病所應用
體各有當意自異而旨實同若胎則固以綢繆交密
凝者還當以綢繆交密長養之故篇中諸物之義終
不過組織元氣俾其稠密此之爲安惟虛不任胎而
應補則兩途所公共此膠艾地黃所以不能分彼此
也以是見本篇是膠黏帖著以固胎仲景是防牖檢
隙以護胎然服湯中病卽止凡散則久服常服乃仲
景書除附子湯失傳外惟膠艾湯是湯劑餘皆凡散
豈懷妊者補劑祇宜暫服搜剔反當常用歟夫胎元
始結質稚而吸引不多月事旣停則氣有餘爲火血
有餘爲水盤旋環繞惟與胎氣爲難及其質巨引多

則彼既化水火者不能仍復氣血以餵胎亦惟不羈於內以爲患故仲景方中朮茯苓澤瀉黃芩牡蠣蜀椒等少與漸與以消摩之倘有闕漏則宜卽速補苴防其水行舟動豈得更自遲緩此補劑宜急搜剔宜緩之謂非暫與常之謂也况虛甚則氣血本不能凝既能凝則虛必不甚以故胎前無滲漏原無補法惟有餘氣血化爲水火以譎張爲幻則僅有免者此篇三物用補之外亦惟推極其理以備急需所以多用血肉之品歟

墮胎

雄黃平寒大溫

雌黃平大寒

水銀寒

粉錫寒

朴消寒大寒

飛生蟲平

洩疏寒微寒

大戟寒大寒

巴豆溫生溫熟寒

野葛溫

牛黃平

藜蘆寒微寒

牡丹寒微寒

牛膝平

桂心大熱

皂莢溫

藺筴寒微寒

躑躅溫

鬼箭寒

槐子寒

薏苡微寒

瞿麥寒

附子溫大熱

天雄溫大溫

烏頭溫大熱

烏喙微溫

側子大熱

蜈蚣溫

地膽寒

斑貓寒

芫青微溫

亭長微溫

水蛭平微寒

蝨蟲微寒

蜃蟲寒

蝮蛇寒

蟾蜍微溫微寒

蝟皮平

蜥蜴寒

蛇脫平

爪寒

芒消大寒

藥對
欖根大熱使

芮草溫使

牽牛子寒使

證類
半夏生微寒熟溫

虎掌溫微寒

鬼臼

代赭

蚱蟬

麝香溫

桃仁平

堇花寒微寒

狼牙寒

生鼠微溫

或謂墮胎豈醫者事何爲摘其藥品詳列於篇子則

謂墮胎固非醫者事然俾知其物能墮胎縱使當用而不用曷嘗非醫者事耶或又謂有必不能不墮之胎墮之以全形跡胡爲非醫者事予則謂凡若此者自有專門名家何必醫者或於萬不得已之病母子勢難兩全者知其病必須某藥治然性能墮胎不得已冒禁而用之縱使胎元傷而母獲安庶幾其一端矣特如篇中所列牡丹牛膝槐子薏苡等尋常施用之物人所不經意者尤宜念之不置斯則可謂善讀是書者矣

難產

槐子寒○墮胎

桂心大熱。能墮胎。

滑石寒大寒。女子乳難。

貝母平微寒。主乳難。

疾藜平微寒。催生墮胎。

皂莢溫。婦人胞不落。

酸漿平寒。產難吞其實立產。

蚱蟬寒。婦人乳難胞衣不出墮胎。

螻蛄寒。主產難。

鼯鼠微溫。主墮胎令易產。

生鼠肝平。牡鼠尾主婦人墮胎易出。

按肝自係尾之誤

烏雄雞冠血溫。主乳難。

弓弩弦平。○主難產胞衣不出。○以縛腰上并燒弩牙

淬酒服隱居

馬銜平。○主難產臨產時令產婦手持之

敗醬平微寒。○主催生落胞華日

榆皮平

蛇蛻平。○催生華日

藥對麻油微寒治產難胞不出君

澤蔞寒治胞衣不出君。○葉主產難

牛膝平。○落死胎華日

陳薑大熱

猪脂酒各隨多少服主產難衣不出。○胞衣不出腹

滿則殺人但多服脂佳

肘後

證類飛生蟲平。令人易產取其角臨時執之

兔頭平。頭骨和毛髓燒爲丸催生落胞

日華

海馬寒。主婦人難產帶之於身神驗

伏龍肝。催生下胞

冬葵子。療婦人乳難內閉

凡藥能墮胎類可治難產今析爲二篇篇中同者得
三之一不既複歟夫墮胎者其物峻烈足以搖動胎
元治難產者胎本應動緣機關窒強反不能動故擇
氣味較醇不甚剝害生氣者爲撥動機關之用曰墮
胎是胎固未應下因藥物氣味逆觸而下名爲拘折

本經序疏要卷七

三

生氣曰難產是胎應下不下因藥物性情順導而下
名爲歆動生氣知此則非特本篇藥物靈敏活潑曄
然呈顯卽墮胎篇藥物爲避忌而列不爲備用而列
尤可識矣諺有之瓜熟者蒂落夫瓜與蒂其相繫相
藉不一端畧言之則瓜恃蒂吮精液以供生長然惟
其蔓不跨田塍乃能一意輸將別無歧故若蔓跨田
塍田塍燥則蔓焦枯而蒂反引瓜中精液以救蔓田
塍溼則蔓浥爛而蒂遂無以通抽吮合於人之所以
難產者母子皆有故矣抑觀於植物之布種則種需
自翻身萌芽乃生更觀於動物之抱殼則殼已具必
自裂卵衣乃出再合於人之生人所以難產者半在

子不能自轉試以此意覈之篇中諸物在母亦有氣張而血不澤者有血行而氣不順者在子則有養薄而轉側不靈者有轉側靈而體過豐者其治蓋咸備焉乃復不專滯於性情氣味全從機勢以爲斡旋其理微矣

本經序疏要卷之七

本經序疏要卷之八目錄

產後病八十一

下乳汁八十二

中蟲八十三

出汗八十四

止汗八十五

驚悸心氣八十六

肺痿八十七

下氣八十八

蝕膿八十九

女人血閉腹痛九十

女人血氣慄腰痛九十一

女人腹堅脹九十二

解百藥及金石等毒九十三

服藥食忌九十四

藥不宜入湯酒九十五

本經序疏要

卷八

目錄

本經序疏要卷之八

武進鄒樹學

產後病

乾地黄寒。○生地黃主產後血上薄心悶絕

桑椒溫生溫熟寒。○主產後餘疾腹痛出汗利五藏

敗醬平微寒。○主產後腹痛

澤蘭微溫。○主乳婦內衄產後金創

地榆微寒。○婦人乳痼痛及產後內塞

大豆平

藥對大豆紫湯溫治產後中風惡血不盡痛

殺羊角微寒燒灰酒服主產後煩悶臣。○主婦人產

後餘痛

羚羊角微寒主產後血悶臣。燒服之

藥性論

鹿角散溫主墮娠血不盡臣。女子胞中血不盡欲

死清酒和服療食

小豆散平主產後血不盡煩悶臣。產後不能食煩

滿千金

三歲陳棗核平燒灰治產後腹痛使

證類

芍藥。主女人一切病產前後諸疾

日華

當歸

紅藍花。主產後血運口噤腹內惡血不盡絞痛

鼓寒

產後何病不可有願以區區者概之愚謂產後病凡
可不必問其產後與否直得見病治病者可毋求諸
此也則產後之病不旣少歟詳檢篇中非治關於血
及痛者不載亦可知其故矣然血有旣虛仍行應行
遽止之殊痛有瘀惡未盡去多內空之別又確是因
於產乳竝無涉於崩漏是其條分縷析跬步易形仍
有不可混不可濫而當參他病以求其同覈本篇以
挾其異施諸此則可用諸彼則不可者所宜諦審焉
善夫仲景之論婦人有三病病瘕病鬱冒病大便難
以新產血虛多汗出喜中風故令瘕亡血復汗寒多
故令鬱冒亡津液胃燥故令大便難而其所用小茈

胡大承氣湯不外治傷寒方當歸生薑羊肉湯不外
治寒疝方白頭翁湯不外治下利方於此以求其同
則瘥之治在桂枝加栝樓根湯葛根湯可見矣治利
用白頭翁湯必加甘草阿膠中虛煩亂嘔逆不用梔
子豉湯橘皮竹筍湯而用竹皮大凡中風發熱面赤
喘而頭痛不用麻黃湯而用竹葉湯腹痛煩滿不得
臥不用小承氣湯而用枳實芍藥散於此以求其異
則本篇不盡列仲景所用之藥又可見矣曰產後血
上薄心悶絕曰產後餘疾腹痛出汗曰產後金創曰
產後內塞內衄曰產後血運口噤幸各檢其非產後
有是證否非產後而有是證其治相同否倘不相同

則更求其同病異治之故慎勿草草置之

下乳汁

石鍾乳溫。下乳汁

漏盧寒大寒。下乳汁

螻蛄微溫微寒。產後中寒下乳汁

栝樓寒。子下乳汁食療

土瓜根寒。下乳汁

狗四足平。四腳蹄煮飲之下乳汁

猪四足小寒。下乳汁

葵子寒。主癰腫能下乳汁藥性論

猪脰平臣

證類
木通平。下乳日華

凡值有病而乳汁不下者治去其病乳汁自下有不
下者檢此中相當物服之自下其有別無病患而乳
汁不下者卽檢此中相當物服之可也何謂相當蓋
人身氣血流行無倦全恃陰陽不相偏著偏著卽令
氣機停滯血脈壅瘀譬於小便不行有由陽不化者
有由陰不化者卽本篇蠐螬之主產後中寒下乳汁
葵子之主蠲腫下乳汁可見循此理以推其餘則鍾
乳與栝樓對乳溫樓寒皆象形也狗四足與猪四足對狗猪意猪脰與土瓜根對猪脰滑中瀉土瓜根滑中滑漏蘆與木通對蘆黑通白謂之通竅則雖皆能通竅而實不著意其通竅

謂之利水而實不著意其利水絕非行血而有行血之旨存乎其間畧不導氣而有導氣之效著乎其後巢氏曰婦人既產則水血俱下津液暴竭經血不足故無乳汁其經血盛者雖水血俱下而津液自有餘故乳汁多而溢出皆非此篇之物所能治也其有津液非不足而不溢者方與此篇之治相當

中蠱

桔梗微溫。下蠱毒

鬼曰溫微溫。殺蠱毒

馬曰毒公溫微溫。掌氏說見鬼症

犀角寒微寒。主百毒蠱症

斑貓寒。主寒熱鬼疰蠱毒。

荒青微溫。主蠱毒風疰鬼疰。

亭長微溫。主蠱毒鬼破淋結積聚。

射罔大熱。

鬼督郵平。赤箭一名鬼督郵主殺鬼精物蠱毒惡氣。

白蘘荷微溫。主中惡及瘡。

敗鼓皮平。主中蠱毒。

藍實寒。殺蠱蛟疰鬼螫毒。

藥對赭魁平使。

徐長卿溫使。主鬼物百精蠱毒。

殺羊角微寒臣。療蠱毒。

野葛溫使。殺鬼疰蠱毒。

殺羊皮平使。

獺肝平使。主鬼疰蠱毒。

露蜂房平使。主鬼精蠱毒。

雄黃平君。殺蠱毒。

藥性論

榲樹皮平。水煎膿汁除蠱。

世類以病源所云蠱是變惑之氣人有故造作之多

取蟲蛇之類器皿盛貯任其相噉殺剩有一物獨在

者卽謂之蠱便能變惑隨逐酒食爲人甌患於他則

蠱主吉利所以不羈之徒畜事之爲中蠱所由按庶

氏

讀如

掌除毒蠱以攻說禴之嘉草攻之凡毆蠱則

本經序疏要

卷八

五

令之比之翦氏掌除蠹物以攻崇攻之以莽草熏之
凡庶蠱之事皆載於周官夏殷之時甯已有是周公
顧設官以司之况蠱毒之物疊見本經本經固出於
漢然非三代已來口授耶不知古固有以惑亂人爲
蠱者如令尹子元欲蠱文夫人左莊二十八年驪姬惑蠱君
而誣國人國語晉語皆見於春秋時或周公時已有未可
知也蓋維邃古隆平貴賤由乎德貧富由乎位其等
類均者本無甚軒輊之弊而政治公允無畸輕畸重
致民相仇有亦任人報之而司之官以平曲直必畜
藏毒以害人利已殆少惟男女相悅蓋有不減後世
者任情造作變惑人心求遂已欲子元振萬驪姬妖

媚足以蠱人而絕無與於畜毒蟲聚蛇蠍其蛇蠍之
貽毒害人則不由人爲而人偶中之當時爲病久後
致斃聖人知其然預設官司專攻其事以救民故本
經藥物主治曰主療蠱毒殺蠱毒絕無被人行蠱之
詞本篇提綱曰中蠱亦可見係人自中非人賊害之
也史記秦本紀德公二年初伏以狗禦蠱張守節曰
蠱者熱毒惡氣爲害傷人故磔狗以禦之磔禳也狗
陽畜也以狗張磔於郭四門禳卻熱毒則又爲氣而
非蠱封禪書磔狗邑四門以禦蠱菑司馬貞引樂彥
云左傳皿蟲爲蠱梟磔之鬼亦爲蠱故月令云大儺
旁磔注云磔攘也厲鬼亦爲蠱將出害人旁磔於四

方之門故此亦礫狗邑四門也則亦爲氣而非蟲或
者氣中於人卽能生蠱亦未可知其法雖與周官不
同然其間猶頗寓聖人微意然則何者爲中蠱之狀
孫真人曰蠱毒千品種種不同或下鮮血或好臥闇
室不欲光明或心性反常乍嘔乍喜或四肢沉重百
節痠疼又曰凡中蠱毒令人心腹絞切痛如有物嚙
或吐下血皆如爛肉若不治蝕人五藏致死又曰凡
人患積年時復大便秘如漆或堅或薄或微赤者皆
蠱也然當其時則已有人行蠱者矣故有服藥知蠱
主姓名等語大抵始由天造繼則人爲萬事皆然非
特此也雖然食蟲之精液僅生癭於頸腋浮於脈而

不去其究不過潰爛得蟲之化源僅生蟲於咽肛著其處而不去充類不過聲啞咽乾蠱果得蟲何物乃能生蟲至食人府藏移人心志耶據庶氏賈疏攻說禴之去其神也嘉草攻之去其身也則不特成蟲之形軀且具蟲之靈幻矣夫皿蟲爲蠱穀之飛亦爲蠱

左昭元年文

茲二語者一譬之於禾黍生蟲夫食苗心者

止食心食節者止食節食葉者止食葉食根者止食根此之謂皿蟲爲蠱緣其物之所病更感天地之氣相構而生故於物食物非其物則氣不偶而不能害物不爲傷矣一譬之於凡物之化蟲夫淫溺惑志具逢罅負緣奮迅摩摺而垂其腴以誘人攝其翼以惑

人者此其機已全蟲之能事而常思效蟲之鑽研復
感天地生蟲之氣致遂生蟲此蟲之伎倆益靈幻怪
惑無所不爲矣此之謂穀之飛亦爲蟲言本無所謂
蟲而自願化蟲以遂其欲也不然大祝六祈攻說居
二非其人自有所感召胡爲臨之以神攻其人之厲
而說其人使遷善改過耶大祝注攻說祭名以辭責之是也惟篇中
所列諸物恐不足當嘉草之譽此則所當析者夫事
貴適情論須切用故概而言之則物無良劣當病者
嘉分而言之則兼傷正氣爲毒唯蝕邪氣爲嘉試思
攻蠹之莽草殺鼃之牡鞠以無關於人不傷夫元氣
故不品以嘉毒而特出其名若瘍醫輔剗殺之五毒

庶氏輔攻說之嘉草皆指其類而不出其名良亦以
既當創肉破骨其邪乃出又何能不傷及元氣則雖
欲避毒而有所不能若病在府藏府藏既爲邪累焉
能更耐毒攻則雖欲用毒而有所不可此治道不得
不通乎醫而醫道之不可違乎治道亦易見矣

藥對主療

掌氏補

出汗

麻黃溫臣○主中風傷寒頭痛溫瘧發表出汗

杏仁溫臣○發汗主溫病治心下急滿痛除心腹煩

悶療邪氣

藥性論

棗葉平君○覆麻黃能令出汗

葱白平臣。主傷寒寒熱出汗中風面目腫

石膏大寒臣。主時氣頭痛身熱三焦大熱皮膚熱

腸胃中膈氣解肌發汗

貝母微寒臣。止煩熱渴出汗

山茱萸平臣。溫中下氣出汗

葛根平臣。療傷寒中風頭痛解肌發表出汗開腠

理

桂心溫大熱。主頭痛腰痛出汗止煩

乾薑溫大熱。出汗逐風溼痹

附子溫大熱。主風寒欬逆邪氣

生薑微溫。主傷寒頭痛鼻塞欬逆上氣

薄荷溫。○飲汁出汗大解勞乏。

蜀椒溫大熱。○主傷寒溫瘧大風汗不出心腹畱飲宿食。

豉寒。○主時疾熱病發汗。

世類以驅除風寒之物爲出汗之劑而服之顧汗不出則以未深求夫寒所由招風所由入故耳今讀是篇人於麻黃葛根葱白生薑薄荷豆豉六物外類不知其能出汗之故不敢施用而孰知寒因虛集風爲熱畱氣機不遂雖欲出而莫由儘去風寒汗終不出蓋汗雖出於肌膚化實鍾於心液心氣擾而安定心陰餒而不繼心陽痿而不振心血虛而不給則不足

鼓化汗之源氣機逆而不順經脈滯而不利肌肉癢而不宣膚腠闔而不開則不足通出汗之路是豈驅風驅寒所能爲力顧可獨恃以出汗耶徐氏集本經別錄所曾言體會曲鬯旁通所當道摘其精粹示以端倪而詔人遵循以補陶氏之未及其亦深具苦衷已予每見區區外感醫甚忽之而不顧其內徒會驅除風寒者攻之外感不解汗亦不出然後更推裏證之所見爲疏析之汗忽自出甚有服驅除風寒劑多者當時毫無災咎及撥動其機反至汗多亡陽徐氏之續是篇也倘亦有見於此夫

止汗

乾薑大熱臣

柏實平君○益血止汗

麻黃根并故扇末臣○杵末撲之

藥性論

白朮溫君○止汗除熱

粳粉雜豆豉熬末

半夏生微寒熟溫使○止汗

牡蠣微寒雜杜仲平水服

枳實寒微寒

松蘿平○主瞋怒邪氣止虛汗頭風

如前所言則止汗者在甯其化源濇其道路不在防

其肌腠矣而十二物之間外撲者四

麻黃根故扇三
粳粉豆豉

停仍居其一何耶夫四物者固亦甯化源濇道路者也苟會其意境觀其形似揣其致用則有執之而燠

消

故扇

窺之而中阻

麻黃根

蒸盪之而性轉涼

豆豉

磨礱之

而麤變黏者

粉案

固得謂防其肌腠者乎陰陽應象大

論曰陽之汗以天地之雨名之陽之氣以天地之疾

風名之致雨以風止雨亦以風氣之與汗猶是矣是

故守其在中之陽不使隨驅而外漏

乾薑

堵其必經之

道不使由內以出外

半夏

隨所在而消弭之

朮能運肌肉中津液

據其源而分布之

柏實能致血液於肺

其尤妙者藏津液於絛

密堅固之中

杜仲

清陽氣於泛溢流離之際

牡蠣

益足使

動者甯亡者歸化裁之神極矣麤工妄爲當斂黃芪

攝衛五味收津較之於是果何如耶然必更覈之於仲景始爲直探其源如四逆湯通脈四逆湯之止汗猶是篇之意也桂枝加附子湯則進於是矣白虎湯葛根黃連黃芩湯桂枝加葛根湯麻黃杏仁甘草石膏湯亦治汗出則可謂識神駿於牝牡驪黃之外矣

驚悸心氣

絡石微寒主大驚入腹君

人薺微溫君。安精神定魂魄止驚悸

茯苓平君。主憂恚驚邪恐悸心下結痛

柏實平君。主小兒驚癇

沙薺微寒臣。主血積驚氣

本經序疏要

卷八

十一

龍膽大寒主驚傷五內君。益肝膽氣止驚惕
殺羊角微寒臣。止驚悸

桔梗微溫臣。主腹滿腸鳴幽幽驚恐悸氣

小草溫君

遠志溫君。定心氣止驚悸

銀屑溫君。安心神止驚悸

紫石英溫君。補心氣不足定驚悸

本篇所載藥味與驚邪同所不同者兩物耳其別出
此篇以證驚邪所該者廣凡此與癲癇等皆其支流
也雖然驚邪篇能該驚不能該悸驚與悸皆緣心氣
而悸不皆兼驚則徐氏之補是正可剖陶氏之渾成

而使眉目昭晰矣太陽傷寒加溫鍼則驚少陽不可
吐下吐下則悸而驚風溫被火劇則如驚癇時癰癰
傷寒二三日心中悸而煩傷寒脈結代心動悸太陽
病小便利者以飲水多必心下悸皆驚悸也皆不得
爲驚悸心氣驚悸心氣奈何則盡在篇中曰精神不
安魂魄不定曰憂恚恐悸心下結痛曰血積曰腸鳴
幽幽咸是矣心氣因何而發驚悸則金匱真言論曰
肝病發驚駭陰陽別論曰二陽一陰發病主驚駭背
痛善噫善欠名曰風厥氣交變大論曰歲水大過
六丙歲寒氣流行民病身熱煩心躁悸五常政大論曰委
和之紀
六丁歲不及之化其發驚駭敦阜之紀
六甲年太過之化其

變驚震六元政紀大論曰寅甲之紀甲寅甲申其變
震驚飄驟至真要大論曰少陽之勝善驚譴妄詳此
是驚者火之偏盛悸者水之偏盛水偏盛則火被迫
而搖火偏盛則火披猖而熾火披猖而熾者著物輒
先卻後肆火被逼而搖者於內卻無時不慄此驚所
以有發有罷悸則常自跳動此心氣偏陰偏陽之分
卽心氣發見爲病之驗也心氣偏陰偏陽勢隔天淵
決不得同物爲治且不得相提並論今於十二味並
云止驚悸者居其七既可治偏陰必不能復治偏陽
是果何說哉而不知七者所主之偏是調陰陽之精
非調其粗調其粗者見陰攻陽見陽攻陰而已調其

精者必其物本具陰陽相入之機陰陽既能相入則彼此自能交化而不相勝矣但觀其於陽中生陰人於氣中化水茯苓於水中熄火龍膽於火中引水桔梗已可識其大概矣何況於陰中攝陽遠志於水中含火紫石英者更顯然示人以權度耶蓋必先明乎心氣能為驚悸而後知驚耶既能明驚耶與心氣之驚悸有攸分而後知為癰為瘤之驚與屬心氣者殊絕癰癰篇與驚悸心氣篇所列無此徐氏推研極細之功雖謂更精於陶氏相同者可也

肺痿

人藹微溫治肺痿君○消胃中痰主肺痿吐膿

藥性論

天薺冬大寒治肺痿君。療肺痿生癰吐膿藥性論

蒺藜子微寒治肺痿臣。主欬逆傷肺肺痿止煩下

氣

茯苓平君。主肺痿痰結

白石英微溫君。療肺痿下氣利小便

薏苡仁微寒主肺。主肺痿肺氣吐膿血欬嗽涕唾

上氣藥性論

麥藁冬微寒治肺痿臣。治肺痿吐膿藥性論

肺痿肺癰為病實同而異金匱要畧詳闡其源亦始
出一致初無歧故特為病時搏於虛為痿搏於實為
癰是以肺痿吐涎沫肺癰吐膿血肺痿脈數虛肺癰

脈數實而其兼證則均有欬故治法大都仿欬爲規模可以愈欬卽可以已痿與癰也獨是肺癰無不欬者肺痿則有欬有不欬觀於甘草乾薑湯炙甘草湯生薑甘草湯桂枝去芍藥加皂莢湯皆不言欬此篇所列七物與上氣欬嗽篇無一複者是徐氏所以補此篇之意歟蓋熱在上焦因欬爲肺痿其始終虛者熱無所附惟迫痰涎亦有雖淪於虛旋附於實遂自痿而癰者想不能無故本篇謂天薤冬療肺痿生癰吐膿而人薤薤苡仁麥薤冬均有吐膿字樣係於下可見兩證者雖源同而派異然亦可互相出入中異而終同其一定不移處在與欬畫界限不在與癰分

彼此此麥蘗冬湯既有此篇藥兩味卽但主上氣而不見欬字以肺痿肺癰之欬者原有上氣欬嗽篇藥可尋用也肺痿肺癰既係互相連屬肺痿之不欬者已有是篇之藥爲準其欬者又有上氣欬嗽篇之藥爲規肺癰獨可無治乎肺癰之治欬甚者亦規上氣欬嗽篇夫固言之矣而有停飲爲膿源者儘可逐飲有膿盛致氣阻者自當蝕膿苟如膿飲已竭元氣難復病患向愈生陽不振則又有癰疽篇之藥爲歸著若之何其無治則耶

素問痿論歷數五藏皆有痿自金匱要畧已下論證者止及肺痿而不及餘痿論治者亦止及肺痿而不

及餘痿豈脈痿筋痿肉痿骨痿咸無足論耶抑諸痿者皆不可治也夫痿論固言之矣曰五藏因肺熱葉焦發爲痿躄是論痿之源皆由於肺也曰治痿獨取陽明是論痿之治皆可責諸胃也蓋痿者軟罷難振之候其始不過吐涎沫身形疲弱耳旣而脛縱不任地焉筋急而攣焉肌肉不仁焉腰脊不舉焉都在痿之分內不如此不足以繪痿之傳不如此不足以窮痿之變不如此不足爲痿之敗故在肺之痿時原可治至脈痿筋痿肉痿乃漸不可治至骨痿遂係必敗之候縱有治法亦當推尋其源仍從肺痿立則故治痿者得獨取陽明論其所以然則如痿論所言其關

係在經脈間論其所當然則胃固爲肺之母矣然則諸痿之治概可質諸是篇歟夫欲塞其流者必推其源欲溯其本者須循其末治宗肺痿固其大本大源所在第經縱不任地筋急而攣肌肉不仁腰脊不舉豈遂可任之乎是又當於本經逐味究之

下氣

麻黃溫臣

杏仁溫臣○主雷鳴喉痹下氣

厚朴溫臣○消痰下氣

橘皮溫臣○下氣止嘔欬

半夏生微寒熱溫使○傷寒寒熱心下堅下氣

白前微溫臣。主一切氣。

藥性論

生薑微溫臣。主痰水氣滿下氣。

前胡微寒臣。去痰實下氣。

李樹根白皮大寒使。下氣主熱毒煩躁。

蘇子溫臣。主下氣除寒中。

石硫黃大熱臣。能下氣治腳弱腰腎久冷。

藥性論

白茅根寒臣。

蒺藜子微寒臣。止煩下氣。

上氣者病之情形下氣者藥之功效故治上氣病必以下氣之藥此下氣篇列藥十三所以複於上氣篇者七也然在上氣篇不有此複則無以知上氣與欬

嗽猶有分科在下氣篇若盡皆複則無以知下氣之

藥不必盡治上氣故夫因痰

厚朴前胡

因熱

李根白皮茅根蒺藜

因

寒

石硫黃

當從下氣而愈者均可以是而識由是而推

矣雖然病變萬殊治遵一轍卽全編而言凡大腹水

腫嘔吐腹脹肺痿皆可因上氣而生欬逆痰飲皆本

與上氣爲伍治之者必不可置其上氣但治他患他

患遂可除也則下氣之藥竟是至要之物就是篇而

言則中熱下寒痰凝氣滯皆得以下氣而除第祇可

推實以就虛使氣機得其平決不可推虛俾就實則

非特實不濟虛且虛已先自受戕而無從救矣則下

氣之藥斷難獨任而須裁成輔相之得宜統稽篇中

曰痰曰嘔曰心下堅曰水可以悟性溫者之下氣斷
須執定病氣之有形曰熱毒曰煩躁又可悟性寒者
之下氣斷須選擇清和之品如是則下氣之物不敢
濫投削人元氣矣下氣云乎哉

蝕膿

藺節寒○排膿

雄黃平

桔梗微溫○養血排膿

日華

龍骨微溫

麝香溫○蝕一切癰創膿

藥性論

白芷溫○能蝕膿

藥性論

大黃大寒。蝕膿藥性論

芍藥微寒。能蝕膿藥性論

當歸溫

藜蘆寒

巴豆溫。排膿消腫日華

地榆微寒。蝕膿藥性論

創癰之膿猶傷寒之汗汗者正氣伸而邪氣解膿者新血生而惡血化邪氣本無形故隨解而即散惡血固有形故雖化而未去是以有汗者不必再汗一汗亦且忌其多潰膿者仍當蝕膿屢膿方得希其盡此兩者之異同實亦至理之所在也徐氏患陶氏於創

癰止言上截而遺潰後恐後人一例認爲傷寒表解
後見病治病內病雖差膿水壅結復有攻衝侵薄等
事卒至難期全效久曠變生因於膏摩薄帖外詔示
徹內徹外之法剝蝕淨盡之計庶幾腐退新生血行
肌滿恢復之後毫無闕漏爲最要篇中大半皆在皮
膚肌肉血脈上著想其有頑礦不化仍不廢惡劣劫
燥大黃藜蘆巴豆及去火去溼雄黃地榆固犁庭掃穴所不容緩
者而於血中導氣當歸氣中導血桔梗白芷成和治之功腐
中引新蘭香新中逐腐麝香復流動之舊由是意推廣之
蓋可信手拈來頭頭是道不推此數物者爲可用也
况猶有金匱要畧排膿散排膿湯之調變其內耶

女人血閉腹痛

黃芪微溫。主婦人子藏風邪氣逐五藏間惡血

芍藥微寒。主婦人血閉不通

藥性論

紫參寒。主婦人血閉不通

桃仁平。主瘀血血閉癥邪氣

細辛溫。主血不行

紫石英溫。主女子風寒在子宮

乾薑大熱。治血閉

桂心大熱。主破血

茯苓平。療心腹脹痛婦熱淋

藥性論

血閉矣月事能仍利乎苟不利則與月閉複矣月閉

矣腹能無痛乎苟腹痛則與血閉腹痛複矣夫亦因
其甚相近絕相似故特補此使後人不得於血閉腹
痛未經月候者浪用治月閉法治之耳觀本篇藥物
所主一則曰婦人子藏風邪再則曰瘀血血閉瘕邪
氣屢屢曰風寒在子宮曰心腹脹痛熱淋可見血皆
因邪而閉因閉而痛既痛而邪未化與因虛積冷結
氣爲諸經水斷絕已至結熱中而在關元者迥不侔
也夫然故月閉篇所用藥多寒間有微溫亦皆血肉
之品過而不畱之性無他恐其助熱益燥陰液也此
篇所用藥多溫間有微寒又係破陰布陽芍藥拔邪離
血紫參非他以逐寒須及早欲免其成月閉也試更參

其彼此俱用之一味

桃仁

能既治新邪復攻舊積則本

篇爲治寒邪阻血彼篇爲治邪血化熱事有先後之殊爲異中之同矣然彼篇多用剋削本篇多用補益豈暴病正反虛久病正反實耶夫破血之物何限彼篇不皆采用偏偏列血肉之物空靈之品其披卻導竅之意爲何如而此篇之補偏不補血而補氣是其命意又在惟欲逐邪乃暫崇正非沾沾用補可同日語是法有常暫之別爲同中之異也倘無此篇不令人視血閉皆屬熱歟然使僅有此篇不令人謂月閉亦屬寒歟徐氏之補意固在是

女人血氣厯腰痛

澤蘭微溫。治婦人血滯腰痛藥性論

當歸溫。主婦人血滯腰痛藥性論

甘草平。治婦人血滯腰痛藥性論

細辛溫。主血閉婦人血滯腰痛藥性論

柏實平。治腰腎中冷藥性論

牡丹微寒。主女子經脈不通血滯腰疼藥性論

牡蠣微寒

是篇病候若依藥性論當作血漏而腰痛解然崩中篇所該之漏甚多所列之藥亦甚多何無一證數味相同者若謂是瘀在腰間作痛則與瘀血篇又無一味相同女人所以異於男子不外血分之病乃考之

於血分諸證而稽其治竟毫不可通若分析覈之則得血閉腹痛之細辛產後之澤蘭當歸月閉之牡丹而當歸甘草牡蠣牡丹柏實竝連載於虛勞篇其諸在下素虛血氣素滯以滯歷虛不勝踐踏故爲痛歟血氣之滯奈何蓋究澤蘭而知血中有水矣究細辛而知血中有寒矣究當歸甘草牡丹牡蠣而知血中有火矣血之於人身如歷鹿之不停方言維車謂之轆轤廣正作歷惟在腰間尤欲存駐以當聽命於腎腎主五液血固液之屬也乃布令萎餒不速受事倔強多稽於是遣者行者互相齟齬推諉而爲痛少頃則已片時復然此所以與尋常腎虛風溼痺瘀血種種腰痛爲不

同也是故歷傳也

爾正經也其文選西京賦歷

陟也後漢

書杜篤

行也

廣正

過也

楚詞天問河海何歷註

逢也

離騷委厥美而歷茲

注謂經過則痛過已即止也然是說也於本篇則合

矣其如與藥性論不可合何按啗漏古人謂之歷啗

依義而言當日瀝啗瀝可為歷

釋名釋疾病

歷獨不可為

瀝乎

女人腹堅脹

芍藥微寒。治心腹堅脹婦人血閉不通

藥性論

黃芩大寒。治熱腹中疝痛心腹堅脹

藥性論

茯苓平。療心腹脹滿婦人熱淋

藥性論

解是篇者孰不謂黃芩治熱堅脹茯苓治溼堅脹芍

藥治陰陽相拒堅脹夫熱與溼及陰陽相拒何以得爲堅脹則曰溼聚則化熱熱盛能生溼溼熱不行則脹其有素蓄熱更被溼或先停溼復受熱客主不和洽彼此不交化因兩不相下抵拒而爲脹然何以能堅則曰始原爲脹久且成堅芍苓苓三者足治脹已耳何以竝能治堅則曰黃芩初生表裏俱實在地久則內腐而中虛癥瘕但因熱而堅脹正外實中空以其形似化其病本堅脹胡爲不已芍藥破陰布陽陽旣入而和陰陰被和而隨化陰陽互交堅脹有何不己至茯苓原吸氣以蟠於下雖在下終受氣而不受溼其利溼可知正與氣之下歸被停溼阻而不能化

者相對以此入室操戈堅脹自然得已又不知三種
堅脹恃何者爲驗而有攸分則曰熱堅脹外必有熱
溼堅脹必小便不利陰陽相拒堅脹必腹痛然男子
亦應有之何以獨標女人蓋女人腹堅脹鮮不以爲
血分病而三種腹堅脹止係常病實無與於血恐人
錯會誤攻血分故特詔人見病治病耳若男子病此
原列於腹痛大熱小便淋篇則腹痛篇之用芍藥大
熱篇之用黃芩小便淋篇之用茯苓皆可知其有腹
堅脹矣凡讀古書者宜會心焉

解百藥及金石等毒

雄黃 巴豆 麝香 丹沙 乾薑

本經序疏要

卷八

三

右蛇虺百蟲毒

桑汁及煮桑根汁

右蜈蚣毒

藍青 麝香

右蜘蛛毒

蜂房 藍青汁

右蜂毒

杏仁 礬石 韭根 人尿汁

右狗毒

犀角 羚羊角 雄黃 麝香

右惡風痺毒

升麻 犀角 射干

右喉痹腫邪氣惡毒入腹

沉香 木香 薰陸香 雞舌香 麝香 紫檀香

右風腫毒腫

甘草 薺芩 大小豆汁 藍汁 藍實

右百藥毒

藍汁 大小豆汁 竹瀝 大麻子汁 六畜血

貝齒屑 薑根屑 蚯蚓屎 藕莖汁

右射罔毒

雞子清 葛根汁 甘草汁 鴨頭熱血 豬膏

若已死

喉者以大竹筒盛冷水注兩脅及臍上吸卻易之口須臾開則內藥藥入口便活矣用薺芩汁解之

右野葛毒

猪膏 大豆汁 戎鹽 藍汁 鹽湯煮猪膏巴豆

右斑猫芫青毒

杏仁 藍汁 白斂 鹽汁 木占斯

右狼毒毒

梔子汁

右躑躅毒

煮黃連汁 大豆汁 生薑汁 昌蒲屑汁

煮寒水石汁

右巴豆毒

雄黃 煮葱汁 溫湯

右藜蘆毒

防已

右雄黃毒

大豆汁

右甘遂毒

葵子汁 桂汁 豉汁 人溺 冷水 土漿 食蒜

雞毛燒吸煙及水調服

右蜀椒毒

生薑汁 煮乾薑汁

右半夏毒

大豆汁 白鵝膏

右礬石毒

防己 防風 甘艸 桂汁

右芫花毒

大豆汁 遠志 防風 棗肌 飴餠

右烏頭天雄附子毒

薺芩 甘艸汁 犀角 蟹汁

右葶藶毒

清水

右馬刀毒

昌蒲汁

右大戟毒

白粥

右桔梗毒

藍子汁

右杏仁毒

掘地作坑以水沃中攪令濁俄頃飲之

名曰地漿

右諸菌毒

葵根汁

按防葵本經無毒試用云無毒今用葵根汁凡是解狼毒浮者爾臣禹錫等謹按蜀本云防葵

傷火者不可服令人恍惚故以解之

右防葵毒

土漿 人糞汁

右野芋毒

醇醋

右雞子毒

磁石

右鐵毒

生韭汁 韭根燒末 燒猪骨末 頭垢 燒犬尿酒

服豉汁亦佳

右食諸肉馬肝漏肺中毒

服水銀數兩卽出 鴨血 雞子汁 水淋雞尿汁

右食金銀毒

煮橘皮 生蘆葦根汁 大豆汁 馬鞭艸汁 燒末

鮫魚皮 大黃汁 煮朴屑汁

右食諸魚中毒

生藕汁

煮乾蒜汁

冬瓜汁

一云生紫蘇汁
藕屑及乾蘇汁

右食蠚中毒

甘草

貝齒

胡粉

右三種末水和服之

小兒溺乳汁服二升佳

右食諸菜毒

煮苦參汁飲之令吐出卽止

右飲食中毒心煩滿

白鴨屎汁

人蔞汁

右服石藥中毒

吞雞子黃

藍汁

水和胡粉

地漿

蘘荷汁

粳

米粉汁 豉汁 乾薑 黃連屑 飴餠 水和葛粉
飲

右服藥過劑悶亂者

服藥食忌

有朮勿食桃李及雀肉胡荽大蒜青魚鮮等物

有藜蘆勿食狸肉

有巴豆勿食蘆笋蕘及野猪肉

有黃連桔梗勿食猪肉

有地黃勿食蕪荑

有半夏菖蒲勿食飴餠及羊肉

有細辛勿食生菜

有甘草勿食菰菜

掌氏曰唐本并傷寒論藥對云勿食海藻

有牡丹勿食生胡荽

有商陸勿食犬肉

有常山勿食生葱生菜

有空青朱砂勿食生血物

有茯苓勿食醋物

有鼈甲勿食莧菜

有天蓼冬勿食鯉魚

服藥不可多食生胡荽及蒜雜生菜

又不可食諸滑物果實等

又不可多食肥猪犬肉油膩肥羹魚鱠鯉腩等物

服藥通忌見死屍及產婦淹穢事

藥不宜入湯酒者

朱沙

湯熟入

雌黃

雲母

陽起石

酒入

鍾乳

酒入

銀屑

孔公孽

酒入

礬石

酒入

礬石

酒入

石硫黃

酒入

銅鏡鼻

白堊

胡粉

鉛丹

鹵鹹

酒入

石灰

酒入

藜灰

右一十七種石類

野葛

狼毒

毒公

葫蘆

酒入

莽艸

巴豆

躑躅

酒入

鬼臼

皂莢

酒入

萑菌

藜蘆

藺節

貫衆

入酒

狼牙

蕪夷

雷凡

鳶尾

蒺藜

入酒

女苑

藁耳

紫葳

入酒

薇銜

入酒

白芨

牡蒙

飛廉

蛇銜

占斯

辛夷

石南

入酒

虎掌

棟實

虎杖

入酒單浸

蓄根

羊桃

入酒

麻勃

苦瓠

瓜蒂

陟釐

雲寶

狼跋

入酒

槐子

入酒

地膚子

青葙子

蛇牀子

入酒

茺蔚

荇蕒子

王不留行

兔絲子

入酒

右四十八種艸木類

蜂子

蜜蠟

白馬莖

狗陰

雀卵

雞子

雄鵲

伏翼

鼠婦

樗雞

螢火

蠨螋

殭蠶

蜈蚣

蜥蜴

斑猫

芫青

亭長

地膽

蚤蟲

蜚蠊

螻蛄

馬刀

赭魁

蝦蟇

蝸牛

生鼠

生龜

諸鳥獸

入酒

蟲魚膏骨髓膽血尿溺

右二十九種蟲獸類

本經序疏要卷之八

跋

本經疏證十二卷續疏六卷序疏八卷鄒君潤庵澍撰
予年弱冠喜治岐黃家言每日夕與潤庵會陳家酒壚
課日間所業或舉今日治某家某症立某方互證得失
以爲常旣奔走皖豫燕趙者垂二十年道光壬辰重晤
於中表趙于岡之約園子醫學茫未有進而君蔚然爲
世所宗君爲人治病必先單家而後巨室非盛寒暑未
嘗乘輿常疾夫世之號能名其家者破壞古法羈雜私
意故每治人疾必引成方予在山左時嘗以玫瑰花龍
眼肉合成膏愈吳洛生大令母腕痛爲君所呵子答言
藥在中病古方奚爲君驟聞頗忿甚立起辭去予亦卽

北行乃未一年而君歸道山矣君歿後五年戊申于岡
始郵示此書實能挾昔賢之閭奧爲後學之津梁悔從
前率爾違晤悲涕刻責會江夏童公石塘濂仁和武公
蝶生泣莊見是書而愛之力請集貲剞劂以戊申八月
開雕斷手已酉三月校定者袁君坦齋光裕魏君修鬯
襄莊君子久延準楊君曉亭欣而始終其事者童武兩
公之力爲多用中得藉手補過慰私恨於無窮益滋愧
矣道光己酉三月湯用中謹跋